

四庫全書

史部

欽定四庫全書

史部

御批資治通鑑綱目卷四十八

詳校官修撰

臣錢棻

編修

臣程嘉謨覆勘

總校官降詞編修

臣倉聖脉

校對官中書

臣宋枋遠

謄錄監生

臣鄭辰

欽定四庫全書

御批資治通鑑綱目卷四十八

起辛巳唐德宗貞元十七年
盡戊戌唐憲宗元和十三年

凡十八年

辛巳十七年夏五月朔日食實

日食注見新莽天鳳元年

○以高固

爲朔方節度使

朔方節度使楊朝晟防被于寧州疾亟謂僚佐曰朔方令帥多自本軍雖徇衆情殊非國體寧州刺史劉南金練習軍旅宜使攝行軍事比朝廷擇帥必無虞矣時李朝采以神策軍戍定平上遣高品薛盈珍齎詔詣寧州曰朝采所將本朔方軍今將并之以壯軍勢以朝采爲使南金副之何如諸將皆奉詔都虞候

史經言於衆曰李公命收弓刀而送甲冑二千軍士
曰李公欲納麾下二十爲腹心吾輩妻子其可保乎
經夜造南金欲奉以爲帥南金曰節度使固我所欲
然非天子之命則不可軍中豈無他將諸軍不願朝
衆爲帥宜以情告敕使若操甲兵乃拒詔也命閉門
不納軍士去詣兵馬使高固固逃匿搜得之固曰諸
軍能用吾言則可衆曰惟命固曰毋殺人毋掠金帛
衆曰諾乃共詣監軍請奏之衆曰劉君必撓吾事詐
稱監軍命召計事至而殺之上聞之追還朝衆制書
復遣盈珍往調軍情盈珍遂以上旨命固知軍事固
宿將以寬厚得衆前使忌之置於散地同列多
輕侮之及起爲帥一無所報復由是軍中遂安集覽
高品宦官名也有內侍殿頭內侍高品內侍高班內侍黃門
侍高品內侍高班內侍黃門
質實朔方郡名注見
年寧州注見肅宗上元元年神策軍注見建中四年
定平按一統志本漢定安縣地名唐初析置定平縣

屬邠州後屬寧州宋屬邠州元省之故城在慶陽府寧州南六十里麾下注見漢王邦三年

成德節度使王武俊卒質實

成德節度注見漢光武建武九年常山

以其子士真代之

秋九月韋臯大破吐蕃于雅州

初吐蕃寇鹽州又陷麟州韋臯出兵深入吐蕃以分其勢臯遣將將兵二萬分出九道破吐蕃于雅州轉戰千里凡拔城七軍鎮五焚堡百五十斬首萬餘級圍維州及昆明城

質實

吐蕃西羌種名注見

太宗貞觀八年鹽州注見興元三年麟州注見玄宗開元九年雅州注見僖宗中和二年維州注見代宗大歷十四年昆明城未詳處所按一統志唯四川行都司城西三百里有地名曰昆明本漢之定笮縣屬

越雋郡晉因之齊屬豫郡後廢唐武德初置昆明縣屬雋州唐末南詔爲香城郡宋時號賀頭甸部屬大理國元初爲落蘭部至元中於黑白鹽井置閏鹽縣於縣置栢興府隸羅羅斯慰司國朝因之初改爲栢興十戶所隸建昌衛後改爲鹽井衛軍民指揮使司隸四川行都司

冬十月以韋臯爲司徒中書令賜爵南康王質實

南康一統

志云縣名本漢之賴縣地三國吳置南安縣晉太康間改南康縣屬南康郡劉宋以後因之隋初屬虔州大業初復爲南康郡之屬縣唐屬虔州宋屬南安軍元仍舊國朝因之改屬南安府

書法

德宗之篇藩鎮惟韓滉韋臯多予辭故備書之

壬午十八年春正月吐蕃救維州韋臯擊敗之獲其將

吐蕃遣其大相論莽熱將兵十萬解維州之圍西川
兵據險設伏以待之虜衆大敗擒論莽熱士卒死者
大半維州昆明竟不下引兵
還遣使獻論莽熱上赦之
集覽
論莽熱莽熱大相
之名也論注見中

宗嗣聖十
七年諸論

三月以齊總爲衢州刺史不行

浙東觀察使裴肅既以進奉得進總掌後務刻剝以
求媚又過之擢爲衢州刺史給事中許孟容封還詔
書曰衢州無他虞齊總無殊績忽此超獎深駭羣情
若有可錄願明書勞課然後超改以解衆疑詔遂留
中上召孟質實
浙東觀察使注見漢和帝永元元年
會稽衢州注見玄宗開元十七年信

容獎之
安許孟容京
兆長安人

書法

不行矣其書何嘉徙義也總以刻剝取寵給事中許孟容封還詔書上召獎焉書交予之也

秋七月詔百官毋得正牙奏事

嘉王詔議高弘本正牙奏事自理通債詔自今毋得正牙奏事如有陳奏詣延英門請對議者以爲正牙奏事所以達羣情講政事弘本無實實嘉州名注見知黜之可也不當因人而廢事僖宗中和元年

正牙注見

貞元元年

書法

德宗稅政多矣前書詔六軍與百姓訟府縣毋得笞辱此書詔百官毋得正牙奏事皆失

言也具文而貶義見矣

發明

正牙奏事唐室之令典也高弘本自理通員

熱之足矣德宗於忠賢棄猶土梗何愛一弘
本而爲之改易朝章蓋其私慝之心特借是而發
故綱目但書詔百官毋得正牙奏事而不言所因
則見其出於本心蓋亦春秋推見至隱之法也嘗
觀我太宗皇帝朝京畿民年暉詣登聞訴家牧失
獾豚太宗御筆賜十錢償其直因詔宰臣曰似此
細事亦訴于朕覽之大可笑也然四方枉塞之事
達朕聽者豈有不留意乎我太宗豈以一小民無
知之故而遂爲之廢登聞哉德宗乖僻烏足以語
此其視我太宗帝王之
度豈不萬萬相遠哉

九年春三月以杜佑同平章事○遷獻懿二祖於

興聖廟

御批資治通鑑綱目

四

肅卿王稚請遣二祖每禘

集覽

禘祫注見漢後主
建興十五年禘禮

正太祖東向之位從之

贊

鴻臚卿注見高
祖武德七年

以李實爲京兆尹質實

京兆府名注見玄
宗開元十一年

爲政暴戾上愛信之實恃恩驕傲薦
諧斥皆如期而効士大夫畏之側目

書法

唐之策未有書以爲京兆尹者於是始書書
李實惡暴也唐書以爲京兆尹始此自是書

京兆

尹者七

李實許孟容柳公綽韓

愈薛元賞韋澳王徽惟李實爲譏焉

夏六月以孫榮義爲右神策中尉考異

以下漏宦者二
字據分注右字

左字

榮義與右神策中尉楊志廉皆驕縱招權依附者衆宦官之勢益盛

自正月不雨至于秋七月○齊抗罷○冬十月崔損卒

○十二月以高郢鄭珣同平章事○杖監察御史崔

遠流崖州

建中初敕京城繫囚李終委御史巡按有冤濫者以聞近歲北軍移牒而已遠遇下嚴察下吏欲陷之引入右神策軍軍使奏之集覽遠羽質實崖州注見漢上怒杖遠四十流崖州委反質實武帝元鼎六年珠崖

書法

書譏也崔遠不諳近例公罪也擢爲御史寄以耳目而杖之而流之甚矣德宗心性常與

宦官爲一不自知其罪
之之過也直書譏之

發明

御史風憲之職爲天子耳目自非清流不在茲選況以按囚而入北軍既有舊制未爲大

惡而德宗怒之如此者蓋其與宦人爲一少觸其意則急不容過是以至此極耳書杖監察御史流

崖州其惡甚矣士大夫尚可立其朝乎

貶韓愈爲陽山令

京兆尹李實務徵求以給進奉言於上曰今歲雖旱而禾苗甚美由是祖稅皆不免人窮至壞屋賣瓦木麥苗以輸官優人成輔端爲謠嘲之實奏輔端誹謗朝政杖殺之監察御史韓愈言京畿百姓窮困今年稅物徵未得者請
貶
實
陽山一統志云漢之縣名屬桂陽郡東漢省入含洄縣晉侯來年遂坐貶

後置屬始興郡梁屬陽山郡隋屬熙平郡唐屬連州
元屬桂陽州國朝初因之省桂陽州以縣屬韶州府
後改屬連州隸廣州府京
畿注見太宗貞觀五年

書法

坐請寬賦也前書正月不雨至于秋七月而
愈猶以此獲罪聚斂之心累之也直書譏之

發明

無罪而殺士則大夫可以去此狐死兔悲之
意也是時崔遠既以察官杖流則君子可以

見幾而作矣况韓愈亦爲監察御史自可乞身而
退既不能然遂以言事坐貶夫御史言事之職也
有言責者不得其言則去愈既無負於言矣則夫
致爲臣而去歸隱丘園亦何不可之有陽山之行
不必咎可也綱目書貶韓愈而不書其御史之官
其亦爲賢者諱乎其亦惜其去之不早乎不然以
言振職非
失職也

甲申二十年春正月以任迪簡爲天德軍防禦使

初天德防禦使李景畧嘗宴僚佐行酒者誤以醺進
迪簡恐行酒者獲罪彊飲之歸而嘔血軍士聞之泣
下及景畧卒遂欲奉以質實天德軍注見憲
爲帥監軍以聞詔從之宗元和八年

吐蕃贊普死

弟嗣立

秋八月以盧從史爲昭義節度使

昭義節度使李長榮薨上遣中使以手詔授本軍大
將但軍士所附者即授之時大將來希皓爲衆所服
中使以手詔付之希皓曰此軍取人合是希皓但作
節度使不得若朝廷以一束草來希皓亦必敬事中

使不可希皓固辭兵馬使盧從史潛與監軍相結起
出伍日從史請且勾當此軍監軍曰此固合聖旨中
使因取詔授之從史再拜舞蹈希皓亟回揮同列北
面稱賀范氏曰藩鎮不順未必人情之所欲也由朝
廷御失其道而不能服其心是以致亂三軍之士豈
不惡夫上下之相陵犯欲得天子之帥而事之哉廢
置爵賞人主之柄也德宗不有而推以與人失其質

實昭義節度注見周赧王五十三年
上黨中使注見玄宗開元十五年

九月太子有疾

初翰林侍詔王伾善書王叔文善碁俱出入東宮娛
侍太子叔文詭譎多詐自言讀書知治道太子嘗與
諸侍讀論及宮市事曰寡人方欲極言之衆皆稱贊
獨叔文無言既退太子自留叔文謂曰向者君獨無

言豈有意邪叔文曰太子職當視膳問安不宜言外事陛下在位久如疑太子收人心何以自解太子泣曰非先生寡人無以知此遂大愛幸與丞相依附因言某可爲相某可爲將幸異日用之密結翰林學士韋執誼及朝士有名而求速進者陸淳呂溫李景儉韓曄韓泰陳諫柳宗元劉禹錫等定爲死友而凌準程异等又因其黨以進日與遊處蹤跡詭秘莫有知其端者范氏曰天下至大祖業至重故古之教太子者左右前後必皆正人然而猶或不能成德德宗乃使技藝博奕之徒侍太子豈不愚其子乎蓋疑賢者導其子之爲非而不疑於小人亦不思而已矣胡氏曰小人之有才者豈無一言之當一行之美顧其大本不正故終歸於邪耳王叔文止太子勿預外事是也以此一言兼取其餘此堯舜所難而孔子所改也叔文誠讀書知治道豈不知進身之禮乃以奕棊小數侍詔供奉也柳宗元劉禹錫以是觀之則豈至迷

於所從陷集覽任讀曰丕以奕秋小數待詔供奉孟
身不義哉

善奕者也注小數小技也通國皆謂之善奕蓋王叔
文並以碁待詔故胡氏云然唐百官志玄宗初置翰
林院延文章天下有僧道書畫琴棋數術之工皆處
之謂之翰林待詔後又選文學之士號曰翰林供奉

質實

王伾杭州人王叔文山陰人視膳問安注見太
宗貞觀四年韋執誼京兆人柳宗元河東解人

劉禹錫中山人凌準富陽人程昇
京兆人博奕博局戲也奕圍碁也

書法

太子疾不書此其書何危之也於是上春秋
高太子瘡疾非小憂也而未聞有處焉是故

間有事不書即書帝
崩所以甚危之也

發明

太子有疾未有書而此書之若至尊然者何
哉太子國儲副君宗社所繫是時德宗享壽

已六十有三其可慮一也太子久在東宮年亦四十有四忽爾瘡疾其可慮二也自九月得疾經冬涉春畧無所區畫其可慮三也廣陵王爲太子之子英睿夙成年已二十有八不能早定其可慮四也夫以天下重器大命所在上而一人次而太子又次而皇孫極矣唐朝當此危疑之際悉皆付之不問遂至一旦變出倉卒大寶神器幾失所託故綱目於此畏之甚謹之甚特筆起義蓋欲使後人於宗社大計早有所定毋至如德宗之謬此固書法之深意也

乙酉二十一年

順宗皇帝
永貞元年

書法

是歲順宗即位八月傳禪雖不踰年改元非得已也

春正月帝崩太子即位考證

當作太子
誦即位

正月朔諸王親戚入賀太子獨以疾不能來上涕泣
悲歎由是得疾凡二十餘日中外不通莫知兩宮安
否帝崩倉猝召翰林學士鄭絪衛次公等草遺詔宦
官或曰禁中議所立尚未定次公遽言曰太子雖有
疾地居冢嫡中外屬心必不得已猶應立廣陵王不
然必大亂絪等從而和之議始定太子知人心憂疑
力疾出凡仙門召見諸軍使京師粗安明日即位時
順宗以風疾失音宦官李忠言昭容牛氏侍左右百
官奏事自惟中可具奏王侄召叔文坐翰林中使決
事任入言於忠言稱詔行下外初無知者范氏曰昔
成王將崩以元子付之大臣王崩太子在內太保特
出而迎之以顯於衆然則古之立君者惟恐衆之不
觀而事之不顯也蓋天子者天下之共主也故當與
天下之人戴而居之未有竊取諸宮中而立之出於
宦寺婦人之手而可以正天下者也先王於其即位
也以禮正其始於其將沒也以禮正其終顧命之書

所以爲萬世法也後世之君以富有天下爲心惟恐失之大利所在天理滅焉故父子相疑以終事爲諱以後事爲忌是以繼承之際鮮有能正其禮者德宗將沒不能屬宰相以社稷故太子既立二十餘年而宦官猶有他議次公等特以草詔得至禁中遂沮其謀不然幾有趙高之事後之人主豈可不法三代而以唐爲永鑒哉胡氏曰順宗自去年九月風瘡逮今未愈長子廣陵王淳年二十有八矣英睿之姿可付大器德宗於是建爲太孫使攝聽斷則神器有託矣而貪有其位吝于子孫眷戀遲留不肯早決唐之不亂亦云幸矣范氏曰德宗享國二十有六年執政尤多而大弊有三一曰姑息藩鎮二曰委任宦者三曰聚斂貨財本夫志大而才小心禍而意忌不能推誠御物尊賢使能以爲果敢聰明足以成天下之務初欲削平僭叛剋滅藩鎮一有奉天之亂而心膽膽破惟恐生事既猜防臣下則專任宦者思其窮窘則聚

欽掇刻益甚於初自古治愈久而政愈弊年彌進而德彌退鮮有如德宗者是以藩鎮疆而王室弱宦者專而國命危貪政多而民心離唐室

集覽

力疾出勉力帶病而

之亡卒以是三者其所從來漸矣

出也杜甫詩力疾坐清曉顧命之書周成王將崩命召公畢公率諸侯相康王作顧命之書

質實

倉粹注見漢光武建武六年衛次公河東人禁中注見宋孝武大明六年廣陵郡名注見漢武帝元朔五年淮南昭容婦官名注見中宗景龍二年社稷注見新莽天鳳元年趙高之事趙高秦時宦者嘗矯遺詔立胡亥殺扶蘇事在秦始皇三十七年神器注見玄宗天寶十載藩鎮注見肅宗上元二年共主注見周赧王三十四年

書法

賀善贊曰德宗初政清明有可紀者自任楊炎盧杞遂致大亂要其終身大病則有三焉

事姑息也任閹宦也好聚斂也綱目書陳仙奇殺劉玄佐李納田緒卒劉士寧程懷直逐元洪奏貶盧從史節度昏譏事姑息也書竇王神策志貞觀察宦者宮市榮義中尉崔遠杖流皆譏寵閹宦也書括商一書增稅再書置庫再兩稅間架陌錢茶稅凡三書始若初皆譏好聚斂也性復猜忌用賢不終然書李藩祕書齊總不行又其天理之未盡晦者綱目亦不隱焉

以韋執誼同平章事

王叔文專國政首引執誼爲相已用事於中與相唱和

李師古發兵屯曹州

時告哀使未至諸道義成節度使李元素密以遺詔示師古師古欲乘國喪噬鄰境乃集將士謂曰聖上

萬福而元素忽傳遺詔是反也宜擊之遂發兵屯曹州且告假道於汴韓弘使謂曰汝能越吾界而爲盜邪元素告急弘曰吾在此公安無恐或告曰剪棘夷道兵且至矣請備之弘曰兵來不除道也不爲之應師古計窮且聞上即位乃罷兵吳少誠以牛皮遺師古師古以鹽資少誠潛過宣武界弘皆留之曰此於法不得以私相餽集覽剪棘夷道剪伐師古等皆憚之荆棘夷平道塗質實義成節度注見懿宗咸通十年曹州注見漢光武建武八年濟陰汴州名注見周顯王二十九年大梁宣武軍名注同上

年大梁

貶李實爲通州長史質實

通州注見肅宗上元元年

實殘暴招歛及貶市里誰呼皆袖瓦礫遮道伺之

以王伾爲左散騎常侍王叔文爲翰林學士

伾寢陋吳語上所襲狎而叔文自許微知文義好言
事上以故稍敬之以伾爲散騎常侍仍待詔翰林叔
文爲學士庶事先下翰林使叔文可否然後宣于中
書韋執誼承而行之韓泰柳宗元劉禹錫等采聽謀
議汲汲如狂互相推獎倜然自得以爲伊周管葛後
出也榮辱進退生於造次惟其所欲不拘程式其門
晝夜車馬如市

集覽 寢陋吳語寢陋本傳作逦陋注逦七木
反謂身逦短貌醜陋也寢通作侵漢書

田蚡貌侵注短小也王伾杭州人故吳語陸機雅能
吳語吳兒聞之皆起歸思語林曰真長云丞相何奇
止能作吳語及細唾也杜甫詩賀公雅吳語注謂賀
知章汲汲如狂汲汲勤急貌禮記汲汲然如有追而
弗及也如狂猶言清狂杜甫詩在位常清狂注凡狂
者陰陽脉盡濁不狂如狂者曰清狂倜然倜下赧反

寬大 質實 伊周謂伊尹周公管
葛謂管仲諸葛亮

書法

翰林學士之設久矣於是始書書叔文佐譏也

發明

既書章執誼平章事又書王佐爲常侍叔文爲學士是皆一時之小人也順宗有賢德而

所用之人若此亦由德宗頗解使此徒久侍東宮故一旦因而擢之耳況是時順宗既已屬疾此曹安得不恣行其志乎書之亦所以爲戒也

大赦罷進奉宮市五坊小兒

先是鹽鐵月進羨餘經入益少五坊小兒張捕鳥雀於閭里者皆爲暴橫以取人錢物至有張羅網於門或張井上近之輒曰汝驚供奉鳥雀即痛毆之出錢物求謝乃去或相聚飲食於酒肆賣者就索其直多

欽定四庫全書

御批資治通鑑綱目

被毆詈或時留蛇一囊爲質賣者求哀乃集覽五坊

挈而去上在東宮知其弊故即位首禁之一鵬

坊二鵠坊三鵠坊四鷹坊五狗坊時開廐質實東宮

使押五坊以供時狩犀象駱駝皆養焉注見

宋文帝元
嘉廿七年

書法進奉之敝極矣未有能罷之者於是首與宮

罷進奉三是年憲
宗元和三年四年

以王伾爲翰林學士○追陸贄陽城赴京師未至卒

德宗之末十年無赦羣臣以微譴逐者不復叙用至
是始得量移追陸贄陽城赴京師二人皆未聞追詔
而卒贄之秉政也貶李吉甫爲明州長史及贄貶吉
甫徙刺忠州贄門人以爲憂而吉甫忻然以宰相禮

事之贊遂與深交吉甫栖筠之子也章臯屢表請以
贊自代不從胡氏曰十年不赦美政也而德宗之不
赦褊心也孔子惡似集覽量移移徙也謂得罪遠
是而非者謂此類也斥者遇赦則量徙近地質

實

京師注見周顯王二十五年李吉甫贊皇人明州
注見僖宗乾符四年忠州注見玄宗開元十八年

書法

未至卒何惜之也終綱目書未至卒二
年陸贄五代丙辰年柴克宏皆惜之也

以杜佑爲度支等使王叔文爲副使

先是叔文與其黨謀得國賦在手則可以結諸用事
人取軍士心以固其權又懼人心不服藉杜佑雅有
會計之名位重而務自全易可制故先令佑主其名
而自除爲副以專之叔文不以簿書爲意日夜與其
黨屏人竊語人莫測其所爲范氏曰杜佑以舊
相不耻與小人共事而爲之用其可賤也夫

以武元衡爲左庶子

叔文之黨多爲御史中丞元衡薄之劉禹錫求爲山陵儀仗使判官不許叔文又使其黨誘元衡以權利不從由是左遷元衡爲左庶子元衡平一之孫也侍御史竇羣奏禹錫挾邪亂政不宜在朝又嘗謁叔文曰事固有不可知者叔文曰何謂也羣曰去歲李實怙恩挾貴氣蓋一時公當此時逡巡路傍乃江南一吏耳今公一旦復據其地安知路傍無如公者乎其黨欲逐之韋執誼以羣素有疆直名止之質實武元衡太原人左遷注見漢宣帝元康二年

立廣陵王純爲皇太子

初上疾久不愈中外危懼思早立太子而王叔文之黨欲專大權惡聞之宦官俱文珍劉光琦薛盈珍等

疾叔文等乃啓上召學士鄭綱等入草制時牛昭容輩以廣陵王淳英睿惡之綱不復請書紙爲立嫡以長字呈上上頷之乃立淳爲太子更名純百官覩太子儀表大喜相賀有感泣者而叔文獨有憂色先是杜黃裳爲裴延齡所惡留滯臺閣十年不遷及其婿韋執誼爲相始遣太常卿黃裳勸執誼帥羣臣請太子監國執誼驚曰丈人甫得一官奈何啓口議禁中事黃裳勃然曰黃裳受恩三朝豈得以一官相買乎拂衣起出至是執誼恐太子不悅故以陸贄爲侍讀使潛伺太子意且解之太子怒曰陛下令先生爲寡人講經義耳何爲預他事贄懼而出贄即淳也避太子名改之胡氏曰陸淳有功於春秋而名在八司馬之冠一何悖哉蓋窮經旨而不歸之理義則經必不明索理義而不歸之於心則理必不得心不得理則心也理也經也猶風馬牛之不相及也然太子所謂講經何預他事亦失言也善講經義者必以今世之

事參之然後其合否可斷惟淳學集覽風馬牛不相及

左傳僖四年

文也注牛馬風逸蓋未界之微事故以取喻疏云馬

逐上風而去牛逐下風而來故曰不相及喻事不相

干也書費誓篇馬牛其風俞文豹云牛馬見風則走

牛喜順風馬喜逆風賈逵曰風放也牝牡相誘謂之風

質實陸淳有功於春秋陸淳字伯冲爲春秋師事趙

文聖人之書通于後世私諡曰文通先生八司馬元

和初劉禹錫程异陳諫柳宗元韓泰韓曄凌準韋執

誼八人皆附王叔文而進者及叔

文敗八人皆貶爲遠州司馬故云

賈耽鄭珣瑜病不視事

耽以王叔文黨用事惡之稱疾不出屢乞骸骨故事

丞相方食百寮無敢謁見者叔文至中書欲見執誼

直省以舊事告叔文怒叱之直省懼入白執誼慙赧起迎叔文就其閣語良久叔文索飯執誼遂與同食閣中杜佑萬郢心知不可而莫敢言珣瑜獨歎曰吾豈可復居此位顧左右取馬徑歸遂不起二相皆天下重望相次歸卧叔文等益無所忌遠近大懼范氏曰賈耽鄭珣瑜爲相碌碌無補然知其不可引疾而去能知耻矣方之杜集覽直省以舊事告省中當質佑萬郢豈不有問哉直之吏以故事告覆質

實碌碌注見齊主寶卷永元二年

書法特筆也崔祐甫病不視事不書此其書何以叔文也故特書之

發明

前書韋執誼平章事王伾叔文等爲學士則見羣小更進用事之失又書杜佑爲度支等

使叔文副之則見杜佑甘與小人爲伍之失至是書耽珣瑜病不視事則見二人力不能制謝病而

欽定四庫全書

律書卷四十八

去之意夫二人身居上相不能屏退羣小將焉用
彼然而不肯與之同列猶有畏義知耻之心綱目
書此蓋亦予
之之意也

夏五月以范希朝爲神策京西行營節度使韓泰爲行
軍司馬

王叔文自知爲內外所疾欲奪取宦官兵權以自固
藉希朝老將使主其名而實以泰專其事人益疑懼
書法行軍司馬當一書陸長源矣於是再見其再
見何叔文專也欲專利權則使杜佑爲度支
而已爲副欲專兵柄則使希朝爲節度而泰
爲司馬綱目特書之所以著小人之心也

以王叔文爲戶部侍郎

叔文爲戶部侍郎俱文珍等惡其專權削去翰林之職叔文驚曰叔文日至此商量公事若不得此院職事則無因而至矣王伾卽爲疏請乃許三五日一入翰林叔文始懼

六月貶羊士諤爲寧化尉

宣歙巡官羊士諤以事至長安遇叔文用事公言具叔文怒欲斬之執誼不可遂貶焉執誼初爲叔文所引用深附之既得位欲掩其迹且迫於公議故時時爲異同輒使人謝叔文曰非敢負約乃欲曲成兄事耳叔文詬怒不質實寧化縣名按一統志本漢建之信遂成仇怨州沙縣地唐開元中置黃連縣天寶初改爲寧化縣屬汀州宋元仍舊本朝因之改屬汀州府宣歙二州名注見德宗建中元年

章卓表請太子監國

韋臯上表曰陛下哀毀成疾請權令太子親監庶政
俟皇躬痊愈復歸春宮又上太子牋曰聖上亮陰不
言委政臣下而所付非人王叔文王伾李忠言之徒
輒當重任墮紊紀綱樹置心腹恐危家邦願殿下即
之秦聞斥逐羣小使政出人主則四方獲安俄而荆
南裴均河東嚴綬牋表繼至意與臯同中外皆倚以
爲援而邢質實春宮注見中宗嗣聖元年亮陰注見
震懼漢昭帝元平元年紀綱注見宋文帝
元嘉元年荆南郡名注見漢獻帝建安十三年
南郡河東郡名注見漢獻帝建安七年

書法

表請太子監國多矣不書據崔昭張說此其
書何美臯也於是朝臣皆黨叔文無能言者

臯以四川遠鎮獨表請焉唐
之不危韋臯力也特書予之

發明

以中制外則順以外制中則逆以朝廷制方
國則順以方國制朝廷則逆方是之時順宗

久疾羣小用事中外皇皇莫知所爲韋臯功名素著遠伸正議既而諸鎮效之邪黨爲之震懼人心恃以無恐未幾遂命太子監國而宗祚鼎安其有功於唐室多矣然而於勢爲逆於理爲不順不可以爲後法故綱目不書其西川節度止書韋臯若在內之臣子然者所以爲唐諱之也其旨微矣

王叔文以母喪去位

叔文既以范希朝韓泰主神策行營邊將各以狀辭中尉宦者始悟兵柄爲叔文等所奪乃大怒密令其使歸告諸將曰無以兵屬人希朝至奉天諸將無至者泰馳歸白之叔文計無所出未幾以母喪去位韋執誼益不用其語叔文怒與其黨謀起復斬執誼而盡誅不附已者王伾日詣宦官及杜佑請起叔文爲相總北軍坐翰林中疏三上不報知事不濟忽叫曰任中風矣遂輿歸不出

質實

奉天縣名注見

建中元年

書法

嘗書袁聚以母喪去職矣嘉聚也此其書叔文何幸之也曷爲幸之叔文不去任不歸太

子之監國未必也終綱目書以母喪去二

宋癸丑年袁聚是年王叔文

橫海軍節度使程懷信卒質實

橫海軍注見晉穆帝永和六年滄州

以其子執恭爲留後後賜名權

秋七月太子監國

中外共疾叔文黨與上亦惡之俱文珍等屢請以太子監國上許之

書法

綱目書太子監國七詳宋壬戌年提太子黨或書立或書詔命制此其不書何歸功畢也

前書韋臯表請監國矣於是畧之所
以專其功於請者也綱目之意深矣

以杜黃裳袁滋同平章事鄭珣瑜高郢罷○八月帝傳

位於太子自號太上皇貶王伾爲開州司馬叔文爲渝

州司戶質實

開州按一統志本漢巴郡朐腮縣地漢末析置漢豐縣蜀漢屬巴東郡晉省梁復置

西魏改曰永寧隋改曰盛山屬信州義寧初置開州唐

天寶初改盛山郡乾元初復爲開州廣德初又改縣曰
開江宋因之元以縣省入本朝改州爲縣
屬夔州府渝州注見周顯王八年巴郡

伾尋病死
年賜叔文死

發明

順宗傳國與睿宗略同故綱目皆曰帝傳位
於太子若夫高祖玄宗之傳則異乎是故書

法亦不容
於強同也

太子即位考異

當作太子
純即位

憲宗初即位昇平公主獻女口上曰上皇不受獻朕
何敢違遂却之荆南獻毛龜上曰朕所寶惟賢嘉禾
神芝皆虛美耳所以春秋不書祥瑞質實昇平一統
自今勿復以聞珍禽奇獸亦毋得獻志云唐之
縣名屬坊州宋熙寧初省爲鎮故址
在延安府宜君縣西北三十五里

書法

上書傳位下書即位中書太上皇書太宗肅
宗不得與於斯矣書法如此唐之世前有玄

宗後有憲宗終綱目書傳國
傳位七詳周報王十七年

南康忠武王韋臯卒考異

此誤

考證

當去忠武二字
分註謚忠武

臯在蜀二十一年重加賦斂豐貢獻以結主恩厚給
賜以撫士卒士卒婚嫁死喪皆供其費以是得久安
其位士卒樂爲之用服南詔摧吐蕃府庫既實時寬
其民三年一復租賦蜀人服其智謀而畏其威及薨
畫像以爲土
神祀之至今

書法

藩鎮卒書臯節度使恒也此其不書西川節
度何不以韋臯夷於諸鎮也臯在遠藩憂及

社稷表請太子監國豈他鎮比哉
綱目書爵書謚所以深嘉之也

發明

凡鎮將之卒止以節度使書之獨韋臯書爵
書謚而不書節度者臯有功於國克保其終

故綱目亦不以
方鎮待之也

以袁滋爲西川節度使

西川節度副使劉闢自爲留後表求節鉞質實西川
朝廷不許以茲爲節度使徵闢爲給事中節度

注見晉武帝泰始八年益
州節鉞注見興元元年

朗州江漲質實

朗州注見漢光武
建武二十四年

流萬
餘家

夏綏節度使韓全義致仕

全義敗於澱水還不朝覲而去上在藩邸聞
而惡之全義懼乃請入朝杜黃裳直令致仕質實夏

二州名夏注見漢武帝元朔元年朔方綏注見周顯
王三十五年雕陰澱水按一統志在開封府郾城縣

有大小二水大者在縣治南一里小者在縣治北一
里隋澱州以此水得名朝覲注見陳宣帝太建九年

致仕尚書咸有一德曰伊尹既復政厥辟告歸疏云
告老致政事于君此臣下致仕之始也至周乃有大
夫七十致
仕之禮

書法

勒致仕也憲宗初政之精神可見矣然則曷
爲以自退爲文不以惠琳之拒命累當時矣

罷裴延齡所置別庫

書法

書罷何嘉憲宗也然則前書置欠負耗騰染
練庫不書延齡此其書延齡所置何本其始

也前書置庫所以戒人主之闇此書延齡所
以誅臣子之姦互文見意綱目之義備矣

○遣使宣慰江淮○以鄭餘慶同平章事○始令史官

撰日歷

從監修國史韋執誼之請也胡氏曰李義府許敬宗
不許史官聞仗後事姚壽又建令宰相撰時政記今
執誼又奏令史官撰日歷日歷云者猶起草也將加
是正而潤色焉爾夫天下有公是公非不爲言語文
字可以變移黑白故此數人之惡至今集覽不許史
不泯有志於垂名竹帛者自修而已矣集覽官聞仗
後事注見高宗永徽五年仗下而陳起草寫簡也前
漢王商借明光殿起草作制誥唐制舍人凡詔旨制
敕壘書冊命皆起草杜甫石硯詩公舍質實垂名竹
起草姿不遠明光殿注起草掌綸紵也質實垂名竹
漢昭帝始元六年

書法

志時相之姦也日歷云者猶起草云爾而剛
潤之筆盡在監修矣故特書始周武氏書撰

時政記此書撰日歷同轍
也○日歷之名始見于此

貶韓秦韓曄柳宗元劉禹錫爲諸州刺史○冬十月賈

耽卒○葬崇陵質實

崇陵一統志云在西安府涇陽縣嵯峨山

禮儀使奏曾太皇太后沈氏歲月滋深迎訪理絕按

晉庾蔚之議尋求三年之外俟中壽而服之請以大

行皇帝啟攢宮日皇帝帥百

官舉哀卽以其日爲忌從之

集覽

曾太皇太后沈氏代宗之后因亂陷

賊不知所在德宗卽位求之不獲爾雅王父之考爲

曾祖郭璞注曾重也當音層今俗讀作憎非是俟中

壽而服之謂可俟沈氏中壽之年成服而已莊子曰

人上壽百歲中壽八十下壽六十太行皇帝注見漢

昭帝元平元年

贊宮謂殞歟也

十一月祔于太廟

禮儀使杜黃裳等議以爲國家法周制太祖猶后稷
高祖猶文王太宗猶武王皆不遷高宗在三昭三穆
之外請遷主于
西夾室從之
質實
三昭三穆注見宋
明帝泰始七年

貶韋執誼爲崖州司戶考異

提要戶
作馬

叔文敗執誼亦自失形勢奄奄無氣
聞人行聲輒惶悸失色以至於貶
於驗
正誤
奄奄無氣今
按奄平聲

集覽
奄奄精氣
閉藏也音

貶袁滋爲吉州刺史質實

吉州注見晉安帝
元興元年安成

劉闢不受徵阻兵自守滋
畏其彊不敢進上怒貶之
集覽
阻兵阻恃也左傳
州吁阻兵而安忍

以武元衡爲御史中丞○再貶韓泰等及陳諫凌準程

昇爲諸州司馬

書法

再貶多矣未有書再
者書再貶快之也

發明

王伾叔文韓泰韋執誼等皆直書具貶而不
言其罪豈貶之不當乎曰伾等身居朝列職

任清顯一旦貶黜盡削其官已足見
惡之之意矣何待書罪而後見乎

○回鶻懷信可汗卒遣使立其子爲騰里可汗考異

提
要

卒作死據凡

例當從提要○十二月以劉闢爲西川節度副使韋丹

爲東川節度使

上以初嗣位力未能討劉闢故因而授之諫議大夫
韋丹上疏曰今釋闢不誅則朝廷可以指臂而使者

欽定四庫全書

御批資治通鑑綱目

惟兩京耳此外誰不爲叛

集覽

指臂而使漢書賈誼曰令海內之勢如身

之使臂臂之使指莫不制從

質實

東川節度注見漢獻帝建安十八年梓潼韋丹杜陵人孝寬六

世孫

以鄭絀同平章事

丙戌憲宗皇帝元和元年春正月太上皇崩○劉闢反命神策行營節度使高崇文將兵討之

闢旣得旌節志益驕求兼領三川上不許闢遂發兵圍梓州推官林縕力諫闢怒將斬之陰戒行刑者使不殺但數礮力於其頸欲使屈服而赦之縕叱之曰豎子當斬即斬我頸豈汝砥石邪闢曰忠烈士也

乃黜之上欲討闢而重於用兵公卿議者亦以爲蜀險固難取杜黃裳獨曰闢狂戇書生取之如拾芥耳臣知神策軍使高崇文勇畧可用願陛下專以軍事委之勿置監軍闢必可擒上從之翰林學士李吉甫亦勸上討蜀上由是器之乃削闢官爵詔崇文與兵馬使李元奕河南西道嚴礪討之時宿將甚衆皆自謂當征蜀之選及詔用崇文皆大驚崇文時屯長武城練卒五千常如寇至受詔即行器械糗糧一無所闕軍士有食於逆旅折人七節者崇文斬以徇劉闢陷梓州執東川節度使李康崇文引兵趣梓州闢歸康以求自雪崇文以康敗軍失守斬之初上與杜黃裳論及藩鎮黃裳曰德宗自經憂患務爲姑息不生除節帥有物故者遣中使察軍情所與則授之未嘗出朝廷之意陛下必欲振舉綱紀宜稍以法度裁制藩鎮然後天下可得而理也上深以爲然於是始用兵討蜀以至威行兩河皆黃裳啟之也范氏曰藩鎮

之亂異於諸侯諸侯自上古以來有之皆聖賢之後王者不得而絕也唐之藩鎮皆起於盜賊其始也天子封殖之又從而姑息之以至於不可制人主自取之也憲宗一裁以法而莫敢不服天下之治亂豈有不由君相者哉○上嘗與宰相論自古帝王或勤勞庶政或垂拱無爲何爲而可黃裳對曰王者上承天地宗廟下撫百姓四夷夙夜憂勤固不可自暇逸然上下有分綱紀有叙苟慎選賢才而委任之有功則賞有罪則刑則誰不盡力明主勞於求人而逸於任人此虞舜所以無爲而治者也至於簿書獄市煩細之事各有司存非人主所宜親也昔秦始皇以衡石程書魏明帝自按行尚書事隋文帝衛士傳餐皆無補當時取譏後世所務非其道也夫人主患不推誠人臣患不竭忠苟上疑其下下欺其上將以求理不亦難乎上深然之胡氏曰黃裳言固要矣然夙夜憂勤必有其事苟無其事何所憂勤古之人君既得賢

才布之列位矣。於是朝以聽政，則公卿在前，史在左。右諫諍，七人訓告教誨，而無怠朝矣。晝以訪問，則監于成憲，學于古訓，多識前言，往行與萬民之疾苦而無怠晝矣。夕以修令，則思夫應違，慮夫榮辱，慎而後出，而無怠夕矣。而又無淫逸遊畋，有銘戒歲諫，又有賢妃淑女警戒，相成味爽丕顯，坐以待旦。此乃憂勤之事，乃所以端拱無爲也。是故勤勞者非程書傳餐之謂也，無爲者非遺棄萬務之謂也。稽無逸之言，則人君之集覽，以衡石程書，秦始皇本紀以衡石量書，法具矣。集覽，以衡石程書，秦始皇本紀以衡石量書，十斤言表箋奏請稱取一石，日夜有程，期不滿不得休息。前漢刑法志：始皇毀先王之法，滅禮誼之官，躬操文墨，晝斷獄，夜理書，自程決事，日縣石之一而姦邪並生。注云：省讀文書，日以百二十斤爲程。自按行尚書事，魏明帝一日卒，至尚書門，陳矯跪請曰：「陛下欲何之？」帝曰：「欲按行文書耳。」矯曰：「此自臣職，分非陛下。」

欽定四庫全書

御批資治通鑑綱目

卷四十八

三

下所宜臨也帝慙回車衛士傳餐隋文帝每臨朝或至日晏未暇大食令侍衛士傳餐史在左右禮云動則左史書之言則右史書之正義曰左陽故記動右陰故記言案春秋時置左右史昧與丕顯書太甲文注於昧旦未明時已大明質實旌節注見秦始皇二其德坐以待旦而行之十六年梓州注見漢獻帝建安十八年梓潼林蘊甫田人披之子高崇文幽州人長武城未詳處所物故注見漢武帝元光五年

發明

德宗征討藩鎮多矣或命諸道或遣宦臣命諸道則號令不一遣宦臣則事由中制由是

罕有成功往往反納侮而止憲宗承統之初劉闢反叛帝能聽用杜黃裳之策專命一將不置監軍未幾遂克成都由是所以處置者得其理故也觀綱目所書既簡且明則知憲宗中興之氣象有自

來矣

三月夏綏留後楊惠琳拒命詔河東天德軍討斬之考

異斬當
作誅

韓全義之入朝也以其甥楊惠琳知留後朝廷以將軍李演爲夏綏節度使惠琳勒兵拒之河東嚴綏表請討之遣牙將阿跌光進及弟光顏將兵赴之夏州兵馬使張承金斬惠琳傳首京師光進本出河曲部落稽後賜集覽阿跌虜複姓阿於何反跌徒結反河姓李氏曲部落稽注見梁武帝中大通三年

賢實京師注見周顯
王二十五年

夏四月以高崇文爲東川節度副使

欽定四庫全書

御批資治通鑑綱目

韋丹至漢中表言高崇文客軍遠鬪無所資
若與梓州綴其士心必能有功故有是命
質實漢

府名注見周
赧王四年

策試制舉之士

於是元稹獨孤郁白居易蕭俛沈傳師出焉胡氏曰
制策亦以空言取人然其來最古得人亦多至于末
流應科者既未必英才而發問之目往往摘扶細隱
窮所難知務求博洽之士而直言極諫之風替矣要
必深詔中外精求多聞有學行者勿令先獻所業召
至殿庭而親策以當世之急務具言可采則就加任
使則瑰偉之才不困於簞揚洵
汰而國家收多士之實用矣
集覽摘扶與摘扶通
孫寶傳撻缺以揚我惡簞揚洵汰簞之揚之糠粃
在前沙之汰之瓦礫在後謂選擇之有所棄斥者
質

實

元稹河南人獨孤郁洛陽人及之子白居易下邦人蕭俛蘭陵人恒之子沈傳師德清人

李巽爲度支鹽鐵轉運使考異

李上漏以字

杜佑請解鹽鐵舉巽自代自劉晏之後居職者莫能繼之巽掌使一年征課所入類晏之多明年過之又一年加一百八十萬緡

以元稹獨孤郁蕭俛爲拾遺

稹上疏曰昔太宗以王珪魏徵爲諫官宴遊寢食未嘗不在左右三品以上入議大政必遣諫官一人隨之以參得失故天下大理今諫官就列朝謁而已近年以來正牙不奏事庶官罷巡對諫官能舉職者獨誥命有不便則上封事耳君臣之際諷諭於未形籌畫於至密尚不能回至尊之盛意況已行之誥令而

欲以咫尺之書收之誠亦難矣願陛下時於延英召對使盡所懷頃之復上疏曰開直言廣視聽理之萌也甘諂諛蔽近習亂之象也自古人主卽位之初必有敢言之士苟受而賞之則君子樂行其道競爲忠讜小人亦貪得其利不爲回邪如是則上下之志通幽遠之情達欲無理得乎苟拒而罪之則君子括囊以保身小人迎合以竊位十步之事皆可欺也欲無亂得乎昔太宗卽位孫伏伽以小事諫太宗厚賞之故當時言事者惟患不深切未嘗以觸忌諱爲憂也太宗豈好逆意而惡從欲哉誠以順適之快小而危亡之禍大故也陛下踐祚今已周歲未聞有受伏伽之賞者臣等備位諫列猶且彌年不得召見而況疎遠之臣乎因條奏請次對百官復正牙奏事禁非時貢獻等十事又勸上以任文爲戒早擇修正之士輔導諸子曰太子諸王師傅之官率皆眊曠廢疾休戎罷帥其他僚屬尤爲冗散搢紳皆耻爲之就使得

人亦越月踰時僅得一見又何暇傳之德義而納之法度哉夫以匹夫愛其子猶知求明哲之師而教之况萬乘之嗣繫四海之命乎

集覽

巡對德宗詔延英坐日許百司長官

二員言闕失謂之巡對上封事唐志補闕拾遺掌供奉諷諫大事廷爭小則上封事案漢儀密奏皂囊封板故曰封事前漢魏相傳故事諸上書者皆爲上封署其一曰副領尚書者先發副封括囊以保身易坤卦括囊无咎无譽伊川傳曰若晦藏其知如括結囊口而不露則可得无咎不然則有害也既晦藏則无譽矣十步之事皆可欺十步至近也言至近處事且爲所蔽况天下四方之遠乎司馬法曰六尺曰步孫伏伽以小事諫伏伽論執元律師法不當死次對百官文宗時敕自今遇入閣日次對官未要隨班出並於東階松樹下立待宰相退令齊至香案前各奏本司事左右史待次對官奏事訖同出宣宗時敕待制

官與刑法官次對以伍文爲戒王伾與王叔文正誤
並以伎術得幸東宮幾亂天下今可以此爲戒
請次對百官今按元稹以近言正牙不奏事故請復
正牙奏事以庶官罷巡對故請次對百官謂待宰相
退後許百官得以次進質實摺紳注見漢武帝元朔
對也巡對見集覽本年元年萬乘注見秦始皇
二十
六年

書法

書美之也書拾遺始此終綱目書以爲拾遺
六元稹等李渤狄兼謩李虞李愚張誼皆美

之也惟李
虞爲譏辭

鄭餘慶罷○尊太上皇后爲皇太后○六月高崇文破

鹿頭關連戰皆捷質實

鹿頭關一統志云在成
都府德陽縣北三十里

○秋七

月詔征蜀諸軍悉取崇文處分

書法

特筆也其特筆何嘉不貳也蜀之功憲宗爲之

○葬豐陵質實

豐陵一統志云在西安府富平縣東北三十三里金甕山

○八月平

廬節度使李師古卒

初師古有異母弟曰師道常疎斥在外不免貧窶師古私謂所親曰吾非不友也吾年十五擁節旄自恨不知稼穡之艱難况師道復減吾數歲吾欲使之知衣食之所自來且以州縣之務付之計諸公必不察也及疾篤師道時知密州好畫及厭策師古謂判官高沐李公度曰我死子必奉師道爲帥人情誰肯薄骨肉而厚他人顧置帥不善則非徒敗軍政也且覆吾族師道不務訓兵理人專習賤事果堪爲帥乎幸

審圖之師古薨二人逆師道奉以爲帥久之朝命未
下或請出兵掠四境高沐固止之請輸兩稅申官吏
行鹽法奉表京師杜黃裳請乘其未定而分之上以
劉闢未平以師道爲留後胡氏曰因幾而制與失幾
而治其難易十相倍也憲宗不用黃裳之良計他日
討之勞費爲如何故君子言難平者事也易失者時
也智者接於事而必平

集覽

貧宴詩北門篇終宴且
貧文公傳曰宴者貧而

無以爲禮也簫築音必栗本龜茲樂以竹爲管蘆爲
首狀類胡茄而甚小有九竅所法者商音耳其聲悲
栗今鼓吹樂坊以爲頭管

質實

平盧節度注見漢桓
帝永康元年青州密

州注見漢武帝
征和二年諸邑

九月堂後主書滑渙伏誅

渙久在中書與知樞密劉光琦相結杜佑鄭絪等皆善視之鄭絪慶與諸相議事渙從旁指陳是非餘慶怒叱之未幾罷相四方賂遺無虛日中書舍人李吉甫言其專恣請去之上命宰相閻中書四門搜掩盡得姦狀賜死籍沒家財凡數十萬胡氏曰寵待宦官莫盛於德宗而樞密之名獨見於此然則憲宗之命也歟其後至於宰相執同奏事聽進止平者力均疆者權勝五代因以爲二府使監察宰相職業紊矣其必欲稽古建官以邦禁歸之大司集覽滑渙姓名也滑馬而罷樞密之職然後爲善也集覽注見宋武帝永初三年

書法

一堂吏也書法誅何強也憲宗頗寵閹宦初置樞密附其勢者雖堂吏能逐宰相特書伏

誅以是爲鯨鯢也

發明

此一胥耳至形于冊亦足以見其強矣故特書伏誅若治大姦然者所以戒後人制御吏

胥當以其漸母使至於蟠結相據若是之甚也

高崇文克成都擒劉闢送京師斬之考異

斬亦當作誅

考證

斬皆當作誅○謹案唐天寶以後廢弛紀綱姑息藩鎮五十餘年日不暇給憲宗即位杜黃裳一啟之遂有興復之志元年誅楊惠琳劉闢二年誅李錡十二年誅吳元濟顧綱一整四方靡然效順凡例曰凡得其罪人於臣子曰誅若非其臣子曰斬此四罪者孰謂非唐臣子不曰誅而曰斬乎且朱子之修綱目其義則誅亂臣賊子考其例而求其義憲宗於惠琳闢錡元濟諸書斬者皆當曰誅非敢取異於舊文特著立言之本意以勸戒方來云耳

高崇文又敗劉闢之衆於鹿頭關河東將阿跌光顏將兵會崇文於行營愆期一日懼誅欲深入自贖軍于鹿頭之西斷其糧道於是綿江鹿頭諸將皆以城降崇文遂長驅直指成都克之闢奔吐蕃崇文使高霞寓追擒之遂入成都屯於通衢市肆不驚秋毫無犯檻闢送京師斬其大將邢泚餘無所問命軍府事一遵韋南康故事從容指擣一境皆平初知邛州崔從以書諫闢闢發兵攻之從固守得免韋臯參佐皆素服請罪崇文皆禮而薦之獨謂段文昌曰君必爲將相未敢奉薦闢有二妾皆殊色監軍請獻之崇文曰天子命我討平凶豎當以撫百姓爲先遽獻婦人以求媚豈天子之意邪崇文義不爲此乃以配將吏之無妻者杜黃裳建議征蜀指授方畧皆懸合事宜崇文素憚劉潼黃裳使謂之曰若無功當以灘相代故能得其死力及蜀平宰相入賀上目黃裳曰卿之功也闢至長安并族黨悉誅之

集覽

鹿頭關漢

地志廣漢郡德陽縣有鹿頭山杜甫鹿頭山詩注引
唐志云德陽鹿頭關以山得名也寰宇記自綿州羅
江縣界迤邐入漢州德陽界古老云昔張鹿頭於此
造關因名焉檻關以檻車載劉關也檻通作輶戶黔
反輶車注見漢高帝九年指擣以手指披正誤指擣
斥事務也易擣謙注指擣皆謙不違則也今按
擣與質實源出綿竹縣紫巖山東至新都北入洛蜀
都賦云浸以綿洛謂此成都府名注見晉武帝泰始
八年益州高霞寓幽州人韋南康韋臯封南康王故
云邛州注見漢帝玄更始元年臨邛崔從齊州
全節人融之曾孫段文昌臨淄人志玄三世孫

徵少室山人李渤爲左拾遺

渤辭疾不至然朝政有得失輒附奏陳論胡氏曰孔
子曰不在其位不謀其政故不在其位而爲之謀與

居其位而不爲之謀皆非也伊尹之竄竄然也初無毫髮當世之念及其幡然也乃有堯舜君民之心諸葛孔明卧草廬中不求聞達及感玄德枉駕然後許以驅馳古之達人心無二用如此李渤於此尚論景行豈亦有集覽少室山注見中宗嗣聖十二年竄竄未詳乎然孟子伊尹耕於有莘之野湯使人

以幣聘之竄竄然曰我何以聘幣爲哉注竄竄自得之志無欲之貌玄德枉駕玄德漢先主字也徐庶曰諸葛亮卧龍也不可屈致宜枉駕顧之先主三往乃見尚論景行豈亦有未詳乎豈景行之義李渤討論之猶未詳明歟言其不能法伊尹孔明而行也詩車牽篇景行行止箋云景明也古人有明行者則而行之景行下孟反文公傳曰景行大道也景行則可行記表記引小雅云景行行止子曰詩之好仁如此鄉道而行中道而廢亡身之老也不知年數之不足也俛焉日有孳孳斃而後已注景明也有明行者謂古

賢聖也廢謂力極罷頓不能復行則止也

正誤

尚論景行豈亦有未詳乎今按論去聲尚論二字實

本孟子又尚論古之人註尚進而上也以友天下之善士爲未足又進而取於古人論其行事之實而法之也禮記引詩景行行止而曰鄉道而行註景猶日影可嚮而行故孝經序云景行先哲謂景慕其行也胡氏所言實與孝經義同集覽解四字皆未當

賢實

李渤洛陽人涉之弟

書法

於是微渤不至不書不至何譏渤也以帝爲可與言歟不當不至不至矣是不可言也而

朝政得失輒奏論之然則雖不至猶至也綱目不書不至書爲拾遺其意微矣

發明

綱目凡處士不應召者則書不至不拜官者則書不受今李渤既辭疾不至反乃書爲左

拾遺若真到闕受職然者蓋渤雖託疾不起然預謀朝政則是不居拾遺之官實任拾遺之責矣書

法如此渤雖欲辭
其名不可得也

冬十月以高崇文爲西川節度使柳晟爲山南西道節

度使竇貫

柳晟河東解人山南西道
注見周報王四年漢中

至漢中府兵討劉闢還未至城詔復遣戍梓州軍
士怒謀作亂晟聞之疾驅入城慰勞之曰汝曹何
以得成功對曰誅反者劉闢耳晟言闢以不受詔命
誅汝曹得以立功豈可復使他人誅汝以爲功邪衆
皆拜謝請
詣戍所

十一月以吐突承璀爲左神策中尉考異以下漏宦
者二字考

證

宦如宦者於
吐突之上

承境事上於東
宮以幹敏得幸
質實吐突承
璫閩人

回鶻入貢質實

回鶻匈奴種名注
見太宗貞觀元年

站以摩尼偕
來立寺處之
集覽摩尼浮屠道人之稱回鶻臣也
歲往來爲姦十二年遣歸其國

書法

夷狄入貢不悉書此何以書始以摩尼至此
於是置寺處之憲宗崇信異端之惑始於此

矣故特
書之

二年春正月司徒杜佑請致仕考異

提要無
請字

二以佑高年重德禮重之常呼司徒而不名佑以老
疾請致仕詔令佑每月一再入朝因至中書議大政
書法書致仕多矣未有書請者此其書請向未盡
得請也於是猶命每月一再入朝因至中書

議大政則帝之待之也亦厚矣終綱目書致仕二十有二年詳漢宣帝地節三年書請者一而已矣

發明

杜佑謬人也方羣小用事之際甘與爲伍曾不愧耻至憲宗初政清明乃請致仕使其移

此請於前日豈不美哉綱目書之文無貶辭而義則在其中矣

杜黃裳罷爲河中節度使

黃裳有經濟大畧而不修小節故不得久在相位胡氏曰杜遵素頗通餽謝自其失也憲宗方欲削平僭亂無寧舍小以取大厚質實河中節度注見周赧王十二年蒲坂杜遵素杜黃

裳表字

以武元衡李吉甫同平章事

吉甫謂中書舍人裴垪曰吉甫流落江淮踰十五年一旦蒙恩至此思所以報德惟在進賢而朝廷後進罕所接識君有精鑒願悉爲我言之垪取筆疏三十餘人數月之間選用畧盡當時翕然稱吉甫爲得人胡氏曰李吉甫不得在端亮之列然於陸敬輿能忘纖芥之憾於裴垪能輪訪問之惻此固君子之高致也知人之明雖在裴垪得人之譽乃歸吉甫誠率是道而不變其相業可少警哉

質實

裴垪絳州

聞喜人陸敬輿陸贊表字

夏四月以范希朝爲朔方靈鹽節度使

以右神策鹽州定遠兵隸焉以革舊弊任邊將也

質實

靈州注見太宗貞觀二十年鹽州注見德

宗貞元三年定遠軍名唐初所置屬夏州趙元昊改爲定州故城在寧夏衛城北六十里

李錡反制削官爵屬籍發諸道兵討之

夏蜀既平藩鎮惕息鎮海節度使李錡不自安求入朝上許之錡實無行意屢遷行期稱疾請至歲暮武元衡曰錡求朝得朝求止得止將何以令四海上以爲然下詔徵之錡計窮遂謀反殺留後王澹大將趙琦使人殺所部五州刺史遣兵治石頭城常州刺史顏防斬錡將李深傳檄蘇杭湖睦諸同進討湖州刺史史辛秘亦斬錡將趙惟忠制削錡官爵屬籍遣淮南節度使王鏐統諸道兵以討之

集覽

蘇杭湖睦

皆在浙西蘇古吳國漢爲吳郡隋改蘇州宋陞平江府杭古餘杭也隋置杭州宋陞臨安府湖古防風氏國隋置湖州宋改安吉州睦漢新安郡隋置睦州宋改嚴州

質實

夏蜀謂楊惠琳劉闢鎮海節度

注見晉成帝咸和三年京口李錡宗室涪川王孝同五世孫石頭城注見漢獻帝建安十七年常州注見

隋煬帝大業十二年毘陵傳檄注見楚義帝元年蘇杭湖睦四川名蘇注見漢獻帝建興三年吳國杭本禹貢揚州之域春秋時屬吳越戰國時屬楚秦爲會稽郡地東漢屬吳郡三國吳公置東安郡治富春尋罷晉屬吳興及吳郡陳置錢唐郡隋廢郡置杭州治餘杭未幾移治錢唐大業初改州爲餘杭郡唐初復爲杭州天寶初又爲餘杭郡乾元初復爲杭州景福初號武勝軍光化初移鎮海節度治於杭置大都督府五代時爲吳越國宋爲杭州高宗南渡遷都於杭陞爲臨安府元立兩浙都督府尋改杭州路本朝改爲杭州府隸浙江道湖注見宋明帝泰始二年吳興睦本禹貢揚州之域春秋時屬吳後屬越戰國時屬楚秦爲會稽郡二郡地漢屬會稽丹陽二郡東漢屬吳郡及丹陽郡建安中孫吳始置新都郡晉改爲新安郡治始新隋初罷郡爲新安縣仁壽中始置睦州大業初改爲遂安郡治雉山縣唐初復爲睦州又於

桐廬別置嚴州尋廢爲睦州加東字未幾復名睦州
徙治建德屬江南道天寶初改爲新定郡乾元初復
爲睦州宋置遂安軍宣和初改州曰嚴州軍曰建德
咸淳初陞州爲建德府屬浙西路元改建德路本朝
改爲建安府尋改嚴州府隸浙江道淮南
節度注見漢武帝元朔五年王鏐太原人

以武元衡爲西川節度使高崇文爲邠寧節度使

高崇文在蜀暮年謂監軍曰西川乃宰相回翔之地
崇文豈敢自安屢上表稱蜀中安逸無所陳力願效
死邊陲故集覽回翔翔回飛也翔翔而回旋也前漢

有是命故鄉翔相如賦安翔徐回禮記三年問過其
回馬質實邠寧節度注見
肅宗上元元年

鎮海兵馬使張子良執李錡送京師斬之考異斬亦當
作誅

考證

斬當
作誅

李錡遣兵馬使張子良等將兵襲宣州子良等知錡必敗與牙將裴行立同謀討之召士卒諭之曰僕射反逆官軍四集其勢已蹙吾輩何爲隨之族滅豈若棄逆效順轉禍爲福乎衆許諾即夜還趨城行立應之於內執錡械送京師羣臣入賀上愀然曰朕之不德致宇內數有干紀者朕之愧也何賀之爲宰相議誅錡大功以上親兵部郎中蔣乂曰錡大功親皆淮安靖王之後也淮安有佐命之功陪陵享廟豈可以末孫爲惡而累之乎乂欲誅具兄弟乂曰錡兄弟故都統國貞之子也國貞死王事豈可使之不祀乎乃皆流貶上御興安門引錡面詰之對曰臣初不反張子良等教臣耳上曰卿爲元帥子良等謀反何不斬之而入朝錡無以對乃并其子腰斬之有司請毀錡祖考家廟中丞盧坦言昔漢誅霍禹不罪霍光先朝

詠房遺愛不及房玄齡况以綺爲不善而罪及五代
祖乎乃不毀有司籍其家財輸京師翰林學士裴均
李絳言錡割剝六州以富其家今以輸上京恐遠近
失望願以賜浙西百姓代今年租賦上嘉歎從之
集覽干紀干紀干紀質實蔣又義興人徙家河南大功注
見漢靈帝熹平五年盧坦洛陽

人李絳
贊皇人

盧從史擅出兵屯邢洛

昭義節度使盧從史內與王士真劉濟通而外獻策
誣圖山東擅引兵東出邢洛上召令還從史不時奉
詔久之乃還上召李絳語之曰朕與鄭絪議敕從史
歸上黨續徵入朝絪乃泄之於從史使稱上黨乏糧
就食山東負朕乃爾將何以處之對曰審如此滅族
有餘矣然絪從史必不自言陛下誰從得之上曰吉

密奏絳曰措紳之論以網爲佳士恐必不然或者
同列欲專朝政疾寵忌前願陛下熟察之上良久曰
非卿言朕幾誤處分上又問曰諫官多謗訕無事實
朕欲摘其尤者一二以儆其餘何如對曰此殆非陛
下之意必有邪臣欲壅蔽陛下之聰明也人臣死生
繫人主喜怒敢發口諫者有幾就有諫者皆晝度夜
思朝刪暮減比得上達什無二三故人主孜孜求諫
猶懼不至况罪之乎如此杜天下之口非社稷之福
也上善其言謂宰相曰太宗以神聖之資羣臣進諫
者猶往復數四况朕寡昧自今事有違宜卿當十論
無但一二而已胡氏曰憲宗可謂從善如轉圜者矣
然畏德之不美而治之不成也其心方虛其志方銳
故其從善也易其集覽寡昧寡少德也質實劉濟幽州
中興也不亦宜乎集覽也昧不明也質實昌平人悻
之子邢名二州名邢注見楚義帝元年注見漢
武帝元狩四年上黨郡名注見周赧王五十三年

書法

於是從史獻策請圖山東則其書擅出兵何誅意也從史之請非誠也而引兵東出召不

時還故書擅罪之

發明

從史擅出兵罪當誅討然憲宗不謀於廣衆而獨與鄭綱議之既已敕歸上黨續又欲召

入朝致其遷延不時奉命則亦有以召之矣直書于冊蓋亦著其通誅之跡也

羣臣上尊號

書法

自代德以來無此書矣於是再見其吉甫之佞歟

○以白居易爲翰林學士

居易作樂府百餘篇規諷時事流聞禁中上悅之故有是命

以普寧公主適于季友

山南東道節度使于頔憚上英威爲子季友求尚主
上以普寧公主妻之李絳諫曰頔虜族季友庶孽不
足以辱帝女上曰此非卿所知頔大喜上因使人諷
之入朝頔遂奉詔范氏曰爲政必可繼也憲宗不愛
一女以悅于頔天下藩鎮焉得人人而悅之古之王
者所以爲婚姻必先聖之後不然甥舅之國也頔方
命不朝以女妻質實山南東道節度使見漢獻帝建
其子不亦替乎安十二年襄陽普寧縣名注見
代宗大歷六年容州藩
鎮注見肅宗上元二年

李吉甫上元和國計簿

總計天下方鎮四十八州府二百九十五縣千四百
五十三其鳳翔鄜坊邠寧振武涇原銀夏靈鹽河東

易定提博鎮冀范陽滄景淮西淄青等十五道七十一州不申戶口外每歲賦稅倚辦止於浙江東西宣歙淮南江西鄂岳福建湖南八道四十九州一百四十四萬戶比天寶稅戶四分減三天下兵仰給縣官者八十一萬餘人比天寶三分增一大率二實實鳳翔戶資一兵其水旱所傷非時調發不在此數

道名注見周顯王八年岐郿坊道名注見肅宗上元元年邠寧道名注同上年振武道名注見秦王政三年鴈門涇原道名注見宋文帝元嘉七年平涼銀夏道名注見明宗長興三年靈鹽道名注見德宗貞元三年河東道名注見漢獻帝建安七年易定道名注見昭宗大順元年魏博道名注見漢成帝綏和二年鎮冀道名注見漢光武建武九年常山范陽道名注見漢帝立更始二年涿郡滄景道名注見晉穆帝永和六年淮西道名注見元和十年淄青道名注見代宗大歷十四年浙東道名注見漢和帝永元元年會

稽浙西道名汪見上文杭州宣歙道名汪見德宗建中元年淮南道名汪見漢武帝元朔五年江西道名汪見梁孝元帝承聖二年鄂岳道名汪見德宗興元元年福建道名汪見漢武帝建元三年湖南道名汪見漢獻帝興平元年長沙

書法 書予之也吉甫心跡未爲純臣然甫位宰相訪裴垺以人物上國計簿使人主知艱難皆可錄之善也綱目固不得而遺之

戊子三年春正月大赦禁長吏詣闕進奉

知樞密院劉光琦奏分遣中使齎赦詣諸道意欲分其饋遺翰林學士裴垺李絳奏敕使所至煩擾不若但附急遞上從之光琦稱舊例上曰例是則從之苟非是何不改中丞盧坦奏彈山南西道節度使柳晟

浙東觀察使閻濟美達赦進奉上名坦褒慰之曰朕已釋之不可失信坦曰赦令宣布海內陛下之大信也晟等不畏陛下法奈何存小信棄大信乎上乃命歸所進於有司胡氏曰柳晟閻濟美之敢違赦令乃見主心之微而中其所欲也使憲宗無悅之之意則當下詔遣吏考覈以其物代百姓常賦而嚴加黜貶然後足以示懲今一切不問而歸所進於有司憲宗之業不終於此亦可見其微矣

夏四月策試賢良方正直言極諫舉人

牛僧孺皇甫湜李宗閔皆指陳時政之失無所避考官楊於陵韋貫之署爲上第上亦嘉之李吉甫惡其言直泣訴於上且言湜翰林學士王涯之甥也涯與裴垍覆策而不自言上不得已罷垍貶貫之巴州刺史涯號州司馬於陵嶺南節度使集覽湜丞僧孺等久之不調各徙辟於藩府

集覽

湜丞

質實

牛僧孺

州人皇甫湜新安人李宗閔宗室鄭王元懿四世孫
楊於陵華陰人韋貴之京兆人王涯太原人巴州注
見梁武帝天監四年號州注見宋文帝元嘉十
二年嶺南節度注見秦始皇三十三年南海

書法

前書策試舉人矣止書曰制舉之士元和元
年此書賢良方正直言極諫何譏也何譏以

直言極諫名之而惡其直言極諫不惟久不使調
又因以罪考官吉甫於是爲不弘矣特書賢良方
正直言極諫譏虛文也
○唐末黨禍起於此

以裴均爲右僕射盧坦爲庶子

均素附宦官嘗入朝踰位而立御史中丞盧坦揖而
退之均不從坦曰昔姚南仲爲僕射位在此均曰南
仲何人坦曰是守正不交權倖者坦尋改右庶子白
居易上疏曰牛僧孺等直言時事而遭斥逐楊於陵

等以收直言而坐譴謫盧坦以舉職事而黜庶子此
數人皆今之人望天下視其進退以卜時之否臧者
也一旦無罪悉疎棄之上下杜口衆心恟恟陛下亦
知之乎且陛下既下詔徵之直言索之極諫僧孺等
所對如此縱未能推而行賢實

裴均絳州聞喜人姚
南仲華州人肅宗朝

官拜右僕射僕射官名
注見秦始皇三十四年

五月沙陀來降以其酋長執宜爲陰山兵馬使

沙陀勁勇冠諸胡吐蕃每戰以爲前鋒回鶻攻吐蕃
取涼州吐蕃疑沙陀貳於回鶻欲遣之河外沙陀懼
酋長朱邪盡忠與其子執宜謀復歸唐帥部落三萬
而東吐蕃追之轉戰數百合死者大半餘衆萬人詣
靈州降節度使范希朝置之鹽州爲市牛羊廣其畜
牧善撫之詔置陰山府以執宜爲兵馬使每有征討

用之皆稟靈

質實

沙陀處月種名注見睿宗太極元年涼州注見漢光武建武十年武

威朱邪盡忠注見

睿宗太極元年

書法

朱邪入中國始此故謹書之○此五李唐之始

秋七月朔日食質實

日食注見新莽天鳳元年

○以盧坦爲宣歙觀

察使

蘇彊之誅也兄弘在晉州幕府免歸坦奏弘有才行不可以其弟故廢之請辟爲判官上曰卿使蘇彊不死果有才行猶可用也况其兄乎坦到官值歲饑穀價日增或請抑之坦曰宣歙穀少仰食四方若價賤則商船不來益困矣既而米質實

晉州注見漢獻帝建安七年幕府注

見秦王政三年輻輳
注見漢文帝六年

淮南節度使王鏐入朝

鏐厚進奉賂宦官求平章事白居易言宰相人臣極位非清望大功不應授今除鏐則諸鎮皆生冀望與之則典章大壞又不感恩不與則厚薄有殊或生怨望且鏐在鎮百計誅求自入進奉若除宰相藩鎮效之競爲割剝則百姓何以堪之事遂寢胡氏曰憲宗以杜黃裳通餽謝而罷之矣而自納藩鎮之略又欲以宰相賞之則尚何他人之責哉

以裴垪同平章事

上雖以李吉甫故罷垪學士然寵信彌厚故未幾復擢爲相嘗謂之曰以太宗玄宗猶藉輔佐以成其理

况如朕不及先聖萬倍者乎。均亦竭誠輔佐上嘗問均爲理之要何先。對曰先正其心。舊制民稅分上供送使留州三品。建中初定兩稅時。貨重錢輕。是後貨輕錢重。民所出已倍其初。其留州送使者所在又降省估。就實估以重歛於民。均奏請一用省估。其觀察使先稅所理州以自給不足。然後稅屬州。由是江淮稍蘇。均器局峻整。人不敢干以私。嘗有故人自遠詣之。均厚遇之。其人乘間求京兆判司。均曰公才不稱此官。均不敢以私害公。先是執政多惡諫官。言時政得失。均獨賞之。范氏曰古之賢相不惟以諫爭爲已。任又引天下之賢者使諫。其君此愛君之至也。不賢者反是。若裴均者可謂忠於事君而不負相之職業矣。

集覽 分上供送使留州三品。一曰上供謂供朝廷戶部度支受之一曰送使謂諸州各送本道節度觀察使以充調度。一曰留州謂存留爲本州用已倍其初。謂民輸本色準錢已過倍也。子本等曰倍

音薄亥反繫上聲省估估直也
正誤 省估實估今按
省估猶言公估實估猶言私估
省估謂省減之

實實估謂
實實也

邠宣公杜黃裳卒考異

此誤書謚

考證

當去宣字分註謚曰宣

實實

邠州

名注見漢桓帝延熹五年幽

○南詔異牟尋死考異

提要死誤作卒

實實

南詔

南蠻國名注見玄宗開元二十六年

子尋閣
勸立

丑四年春正月南方旱饑遣使宣慰賑恤

宣慰使鄭敬等將行上戒之曰朕宮中用帛一匹
皆籍其數惟調救百姓則不計費卿等宜識此意

鄭綱罷以李藩同平章事

藩給事中制敕有不可者即於黃紙後批之吏請更連素紙藩曰如此乃狀也何名批敕裴珣薦藩有宰相器上以綱循默罷之擢藩爲相藩知無不言上甚重之胡氏曰裴珣賞論事諫官喜批敕給事此宰相所難能珣何以能爾觀珣告憲宗正心之言則知珣之方寸不爲利回不爲義疚矣

三月以李鄴爲河東節度使

河東節度使嚴綬在鎮九年軍政質實李鄴江夏人一出監軍裴珣請以李鄴代之邕之從孫

成德節度使王士真卒質實王士真武俊之子

子承宗自爲留後河北三鎮相承各置副大使以嫡長爲之父沒則代領軍務

閏月制降繫四蠲租稅出宮人絕進奉禁掠賣

上以久旱欲降德音李絳白居易言欲令實惠及人無如減其租稅宮人數廣宜簡出之諸道橫歛以充進奉南方多掠良人賣爲奴婢皆宜禁絕上悉從之制下而雨絳表賀曰乃知憂先於事故能無憂事至而憂無救於事

書法

以旱故也備書予之然則前書禁長吏進奉此其書絕何前日雖禁之而柳晟間濟美王

鏐之徒進奉自若是未嘗絕也於是書絕所以見前禁之具文也綱目之意微矣

發明

元和之初政事清明故南方旱饑隨即遣使賑恤綱目已書之矣至是以蠲租等事詳

列于冊則其勤恤民隱之意爲如何哉大書特書皆予之也

詔贖魏徵故第賜其家

魏徵玄孫稠貧甚以故第質錢於人平盧節度使李師道請以私財贖出之白居易奏言事關激勸宜出朝廷師道何人敢掠斯美望敕有司以官錢贖還之上乃出內庫二十緡贖以賜稠仍禁質賣質實

平盧節度注見漢桓

帝永康元年青州

發明

魏徵輔佐文皇有治致太平之功不幸子孫貧窶質其故廬憲宗雖能因居易之言贖而

賜之然所以錄用其後而振恤之者殊未之聞也他時既不可質惟有毀之而已故綱目止書贖第之事而他無可書蓋亦重爲之惜也

以王士則爲神策大將軍

士則承宗叔父也以承宗禮立恐禍及宗
與幕客劉栖楚俱自歸京師故有是命
質實 劉栖

州人京師注見周

顯王二十五年

立鄧王寧爲皇太子

李絳等奏曰陛下臨御四年儲闈未立
質實 社稷

非所以承宗廟重社稷也故有是命
注見

新莽天鳳五年鄧州名

注見周赧王十四年襍

夏四月山南東道節度使裴均進銀器

均有中人之助於德音後首進銀器十五百兩李絳
白居易等言均欲以此當陛下願却之上遽命出付
度支尋密諭進奏院自今諸道進奉無得申御史臺
有訪問者輒以名聞居易復以爲言上不聽胡氏曰

攻病不去病源而徒飲藥藥不對病病固自存任宦官喜進奉憲宗之大病也李絳白居易於此二者當朝夕納誨必期於格君非心如晉元帝之覆盃如符堅之止獵終身不爲則天下之治始可望矣病本不除今日勸以用賢用之必不力明日勸以去不肖去之必不果雖目前暫得治安之效亦終於危亂而已矣

質實

御史臺注見中宗嗣聖九年

書法

書譏也三年赦文禁進奉矣而柳晟閻濟美等違赦進奉四年降制絕進奉矣而裴均違

制復進銀器帝之幾微有以來之也然則柳閻等進奉不書此則曷爲書之憲宗至此其好貨之病有不可得而掩者矣故書

發明

既禁進奉又絕進奉德音在耳未易忘也而裴均首進銀器大書于冊則憲宗之志爲已

荒矣今夫世有好飲之人或因人言或自警省知其有傷生敗德之事強自禁止若將終身不復飲者然未幾口垂涎而心燥渴又復肆飲不至於沉溺沒身而不止憲宗之失不幸類是綱目書此則亦未如之何也已豈不深可戒哉深可惜哉

起復盧從史爲金吾大將軍

上欲乘王士真死除人代之不從則興師討之以革河北諸鎮世襲之弊裴垕曰李納跋扈不恭王武俊有功於國陛下前許師道今奪承宗沮勸達理彼必不服李絳曰武俊父子相承四十餘年今承宗又已總軍務一旦易之恐未即奉詔又河北諸鎮事體正同必不自安陰相黨助雖有勸成之請亦非誠意蓋若所除之人得入彼固足以爲功若不得入興師致討彼復潛相文結按兵玩寇進退獲利而勞費之病

咸歸國家且今江淮大水公私困竭軍旅之事恐未
可輕議也中尉吐突承璀欲奪圉權自誚將兵討之
宗正少卿李拭奏承宗不可不討承璀親信近臣宜
委以禁兵使統諸軍上以拭狀示諸學士曰此姦臣
也卿曹記之勿令得進用時昭義節度使盧從史遭
父喪朝廷久未起復從史懼因承璀進說請以本軍
討承宗詔起復金吾大將軍范氏曰憲宗以李拭逢
迎其意謂之姦臣可謂明矣知拭之不可用豈不知
承璀之不可將哉而必將承璀是不能以公滅私以
義勝欲也夫不知其非而爲之其過小知其非而爲
之其過大已爲不正則邪之招也

集覽

世襲襲因也
子孫世世因

君人之道可不慎其在已者哉
祖父之爵土而有之也前許師道許容也元年李師
古卒其弟師道自立杜黃裳請乘其未定而分之上
以劉闢未平遂質實跋扈注見漢質
容師道爲留後

質實

跋扈注見漢質
帝本初元年

書法

書起復何譏也於是從史請討承宗起爲將軍則金革之事矣何譏焉從史內實親趙外

僞獻策其出兵邢洛其請討承宗皆詐也而爲之起復墮其計矣是故此書起復下書誘執皆譏辭也

發明

前書從史擅出兵未聞正其專輒之罪今乃起復之爲金吾此何義也是時憲宗惑於承

璫之邪說所爲若此比事觀之其失自見

吐蕃請和許之○六月以范希朝爲河東節度使

朝議以沙陀在靈武迫近吐蕃慮其反覆命悉從希朝詣河東希朝選其驍騎號沙陀軍處其餘衆于定襄川於是朱邪執宜始質實靈武郡名注見太宗貞保神武川之黃花堆

質實

靈武郡名注見太宗貞觀二十年定襄川未詳

處所唯有縣注見晉懷帝永嘉六年神武川注見漢武帝元光二年武州塞黃花堆即黃花山在大同府山陰縣北四十里一名黃瓜堆

毀安國寺碑樓

吐突承璀領功德使盛修安國寺奏立聖德碑先構樓請敕學士撰文欲以萬緡酌之上命李絳爲之絳言堯舜禹湯未嘗立碑自言聖德惟秦始皇刻石高自稱述未審陛下欲何所法且叙修寺之美豈所以光聖德邪上命曳倒碑樓承璀言樓大不可曳請徐毀撤上厲聲曰多用牛曳之承璀乃不敢言凡用百牛曳之乃倒

賢實

安國寺注見睿宗神龍二年

書法

書美從諫也終綱目宮室書毀三周毀上善殿毀宮室之壯麗者唐毀安國寺碑樓皆美之也

發明

凡姦邪小人每以諛佞之事蠱惑其君非有忠臣賢士指言其非未有不爲所移者承瑞

欲立碑頌德憲宗既可其請一聞李絳之言毀之惟恐或後此亦可謂改過不吝者書毀安國寺碑樓其所以增光憲宗之德久而不朽者豈不遠勝碑樓之立乎

秋七月貶楊憑爲臨賀尉

中丞李夷簡彈京兆尹楊憑貪汙僭侈貶臨賀尉憑親友無敢送者櫟陽尉徐晦獨至藍田與別權德輿謂之曰君送楊臨賀誠爲厚矣無乃爲累乎對曰晦自布衣蒙楊君知獎今日遠謫豈得不與之別借如明公他日爲諂人所逐晦敢自同路人乎德輿嗟歎稱之於朝後數日李夷簡奏爲監察御史謂之曰君不負楊臨賀集覽櫟陽注見周顯王八年實實李夷簡田注見周赧王三年簡宗

室鄭惠王四世孫世居京兆京兆府名注見玄宗開元十一年楊憑弘農人臨賀縣名注見晉穆帝永和三年權德輿與秦州畧陽人舉之子

九月王承宗表獻德棣二州詔以承宗爲成德節度使

薛昌朝執之以歸考異

本作王承宗表獻德棣二州詔以承宗爲成德節度使薛昌朝

爲保信軍節度使領德棣二州承宗襲昌朝執之以歸判本薛字下漏昌朝爲保信軍節度使領德棣二州承

宗襲一十七字提要薛字下作承宗襲保信節度使薛昌朝執之以歸無領德棣二州五字

考證

本

皆脫誤○按此當作王承宗表獻德棣二州詔以承宗爲成德節度使德州刺史薛昌朝爲保信節度使領德棣二州承宗襲昌朝執之以歸

上密問諸學士曰今欲用王承宗爲成德留後割其德棣二州更爲一鎮使輸二稅請官吏何如李絳等對曰德棣隸成德爲日已久一旦割之恐其憂疑怨望復爲鄰道構扇萬一旅拒倍難處置不若使弔祭使以其私諭承宗令其表請幸而聽命於理固順若其不聽體亦無損上又問今劉濟田季安皆病若其物故又如成德天下何時當平議者皆言宜乘此際代之不受則發兵討之何如對曰羣臣見取蜀取吳易於反掌故諂躁之徒爭獻策畫勸開河北陛下亦以前日成功之易而信其言臣竊以爲河北之勢與二方異何則西川浙西皆非反側之地其四鄰皆國家臂指之臣劉闢李錡獨生狂謀大軍一臨則渙然離耳河北則不然其將士百姓懷其累代煦嫗之恩不知君臣逆順之理鄰道各爲子孫之謀亦慮他日及此萬一或相表裏兵連禍結戎狄乘間其爲憂患可勝道哉濟及季安物故之際若有隙可乘當臨事

圖之於今用兵則恐未可太平之業非朝夕可致願
陛下審處之且言吳少誠病必不起淮西四旁皆國
家州縣不與賊通朝廷命帥今正其時萬一不從可
議征討故臣願拾恒冀難致之策就申蔡易成之謀
脫或恒冀連兵事未如意蔡州有繫勢可興師復以
財力不贍而赦承宗則恩威兩廢不如早賜處分既
而承宗以未得朝命頗懼累表自訴上遣裴武宣慰
承宗受詔甚恭請獻德棣二州武復命以承宗爲成
德軍節度德州刺史薛昌朝爲保信軍節度領德棣
二州昌朝王氏壻故就用之田季安使謂承宗曰昌
朝陰與朝廷通故受節鉞承宗襲執昌朝囚之上以
裴武爲欺罔又有諧之者曰武使還先宿裴垫家明
旦乃入見上怒甚欲貶之李絳曰武昔陷李懷光軍
中守節不屈豈容今日遽爲姦回蓋承宗始懼朝廷
誅討故請獻二州而鄰道不欲其然計必有陰行間
說使不得守其初心者非武之罪也且今抵武罪使

後奉使者以武爲戒苟求便身率爲依阿兩可之言
莫肯盡誠具陳利害非國家之利也况垧武久處朝
廷諳練事體豈有使未復命而先宿宰相家乎此殆
讒人中傷之言願陛下察之上遂不問范氏曰人君
之患在徂於一勝而欲事所難不知敵之疆弱堅脆
而輕用其武一戰不克喪威長寇征伐不息或起內
患奉天之亂是也先王內修政事外攘夷狄其爲集
之有本末圖之有先後是以無欲速輕舉之悔也集
覽旅拒不從之義旅衆也拒捍也謂率衆以相拒也
又如成德先是成德節度使王士真卒仍以節度
授其子承宗矣今又將如此也煦姬注見晉康帝建
元元年姦回書泰誓篇崇信姦回注回邪也姦邪之
人記禮器篇禮釋回疏云回者僞之自外入者也問說
問去聲用計離間之也說音祝飾辯辭以誘之也今抵
武罪抵當也今若當裴武以罪質實德棣二州名德
奉天之亂在德宗建中四年

建八年安德棣注見宋明帝泰始三年樂陵田季安
盧龍人緒之子取蜀取吳蜀謂劉闢吳謂李錡恒冀

謂王承宗申蔡謂吳元濟成德軍注見漢光武建武
九年常山保信軍注見陳宣帝大建八年安德節鉞

注見德宗興元元年中陽
注見漢宣帝神爵四年

吐蕃寇振武豐州質實

吐蕃西羌種名注見太宗貞觀
八年振武軍名注見秦王政三

年鴈門豐州注見漢宣
帝甘露五年五原塞

書法

前書許和此後書寇
著和議之不可恃也

○以許孟容爲京兆尹

左神策軍吏李昱貸長安富人錢不償孟容收捕械
繫立期使償曰期滿不足當死中尉訴於上上遣中

使宣旨送本軍孟客曰臣不奉詔當死然臣爲陛下
尹京畿非抑制豪強何以肅清輦下錢未償李昱不
可得上嘉其剛直集覽貨音待從人惜物也輦下輦
而許之京城震衆集覽穀之下也注見十一年輦穀
師質實長安縣名注見
表質實漢惠帝五年

冬十月削奪王承宗官爵發兵討之以吐突承瓘爲招
討處置等使

上遣中使諭王承宗使遣薛昌朝還鎮承宗不奉詔
制削奪其官爵以吐突承瓘爲神策河中等道行營
兵馬使諸軍招討處置等使翰林學士白居易諫曰
國家征伐當責成將帥近歲始以中使爲監軍已非
今典自古及今未有徵天下之兵專令中使統領者
也今神策不置行營節度使則承瓘乃制將又充諸

軍招討使則都統也臣恐四方聞之必輕朝廷四夷聞之必笑中國陛下恐令後代相傳云以中官爲制將都統自陛下始予又恐諸道耻受指麾心既不齊功何由立且陛下念承璫勤勞貴之可也富之可也至於軍國權柄動關理亂朝廷制度出自祖宗陛下寧忍徇彼之欲而自隳法制以損聖明乎度支使李元素鹽鐵使李鄴及許孟容李夷簡諫官孟簡呂元膺穆質獨孤郁等亦極言其不可上不得已削承璫四道兵馬使改處置爲宣慰而已范氏曰憲宗以中官爲大將亂政也然其臣強諫而力爭者相屬於朝此則治世之事也亦足以見其賢臣之多矣天下之禍莫大於人君之過舉而下莫敢言是以至於亡而不自知也胡氏曰人君欲富其臣非厚祿不可欲貴其臣非高位不可加厚祿高位於奄尹以報其勤勞先王無是也居易於是失言矣蓋亦直舉太宗故事與夫中宗明皇所以隳壞先烈而甚於德祖將有弑

君亡國之禍者以告其君乎憲宗方欲中興唐室心雖有蔽未至於昏安知其不遂開納邪○李絳嘗極言宦官驕橫侵害政事讒毀忠良上曰此屬安敢爲讒就使爲之朕亦不聽絳曰此屬大抵不知仁義不分枉直惟利是嗜得賂則譽跼蹻爲廉良拂意則毀龔黃爲貪暴能用傾巧之智構成疑似之端朝夕左右浸潤以入之陛下必有時而信之矣自古宦官敗國者備載方冊陛下豈得不防其漸乎 集覽奄尹注見漢靈帝光和元年譽跼蹻爲廉良跼之石反柳下惠之弟蹻居畧反楚莊王之弟二人天下之大盜也反譽之爲廉良楚辭弔屈原篇謂隨夷濶兮謂跼蹻廉文公集註云隨下隨也讓天下而不受夷伯夷也讓國而餓死毀龔黃爲貪暴龔遂與黃霸漢昭宣時循良之吏也所居民富所去見思反毀之爲貪質實 河中道名注見周赧王十二年蒲坂中使注見玄宗開元十五年孟簡德州人呂元膺鄆

州東
平人

書法

肅宗以魚朝恩爲宣慰處置使不書書爲觀軍容於是居易等諫既改處置爲宣慰矣其

以處置書何病唐也帝方志平僭叛自視爲何等主而以宦官主兵謂之招討處置是都統矣綱目

責備賢者其書初命所以深病之終綱目宦

官書處置使二代宗魚朝恩憲宗吐突承班

十一月彰義節度使吳少誠卒集覽

彰義即淮西藩鎮也有州三曰申光

蔡

初吳少誠寵其大將吳少陽名以從弟出入如至親少誠病少陽殺其子自攝副使知軍州事少誠死少陽遂自爲留後

雲南王尋閣勸死考異

提要死誤作卒

質實

雲南西南夷國名注見漢武帝元符

元年
滇國

子勸龍
晟立

田季安取堂陽

田季安聞吐突承璀討王承宗聚其徒曰師不跨河
二十五年矣今一旦越魏伐趙趙虜魏亦虜矣爲之
奈何其將有起伍而言者曰願借騎五十以除君憂
季安欲從之幽州牙將譚忠使魏知其謀入謂季安
曰如某之計是引天下之兵也往年王師取蜀取吳
笑不一失是皆相臣之謀今王師越魏伐趙不使者
臣宿將而專付中臣不輸天下之甲而多出秦甲君
知誰爲之謀此乃天子自爲之謀欲將夸服於臣下

也若師未叩趙而先碎於魏是上之謀反不如下能不耻且怒乎既耻且怒必任智士畫長策仗猛將練精兵畢力再舉鑑前之敗必不越魏而伐趙校罪輕重必不先趙而後魏矣李安曰然則若之何忠曰王師入魏君厚犒之而悉甲壓境號曰伐趙陰遣趙書使解罍障遺魏一城持以奏捷則魏之霸基安矣李安曰善遂與趙陰計得其堂陽范氏曰朝廷伐叛討逆以一四方此天下之公議也必與天下之賢者共爲之克以天下不克以天下天子無私馬憲宗欲自有其功故任中人而不任將相是天子與臣下爭功也何其不廣哉且天子之功在於用人而不自用未聞必用家臣然後功出於己也憲宗一將承堆而天下之人已見其情人集覽壓境悉甲以迫敵國之境君之舉動可不慎哉集覽日壓境一說擁兵以鎮壓疆境也罍障障注見梁武帝天監三年障注見漢光武建武十二年堂陽縣名屬鉅鹿郡鉅鹿郡邢州也

今改順 質實 幽州注見高祖武德四年堂陽縣名按一統志漢初所置屬鉅鹿郡後漢屬安

平國晉改蒲澤縣唐復爲堂陽縣宋省入南宮故城在真定府武邑縣西六十五里

庚寅五年春正月盧龍節度使劉濟將兵討王承宗拔饒

陽東鹿

譚忠歸幽州欲激劉濟討趙會濟合諸將言曰天子知我怨趙今必命我伐之趙亦必大備我伐與不伐孰利忠曰是必皆將無之濟怒曰我與承宗反乎命繫忠獄使人視成德之境果不爲備而詔至亦止令濟護北邊濟乃召忠問何以知之忠曰盧從史外親燕內實忌之外絕趙內實與之此爲趙盡曰燕以趙爲障雖怨趙必不殘趙不必爲備一示趙不敢抗燕二使燕獲疑天子此忠所以知天子之不使君伐趙

而趙之不備燕也濟曰今則奈何忠曰天子伐趙君坐燕之甲不濟易水使潞人得以藉口是燕貯忠義之心卒染私趙之謗不見德於趙人惡聲徒嘈嘈於天下耳惟君熟思之濟曰吾知之矣乃下令軍中曰五日畢出後者醢以徇時諸軍皆未進集覽坐燕之濟自將兵七萬獨前擊趙拔饒陽東鹿甲坐謂按甲休兵也盧龍藩鎮在燕地故曰燕之甲易水注見秦王政二十年饒陽注見漢帝立更始二年質

實

盧龍節度注見漢獻帝建安十三年東鹿縣名注見德宗建中三年

書法

取堂陽田季安拔饒陽東鹿皆取承宗地也惟劉濟書爵書討何劉濟誠也然則取堂陽

譚忠所教也忠亦教人以爲歟忠之討所以破超伍者之請也使所請得行唐兵具危哉

吐突承璀討王承宗戰不利

吐突承璀至行營威令不振與承宗戰
屢敗大將軍鄺定進戰死軍中奪氣

發明

王承宗誠有可誅之罪則當選擇良將若高

崇文之取蜀否則發諸道兵若誅李錡之舉
猶或庶幾焉耳既不能然乃以宦人爲制將雖舉
朝力爭皆不之聽至是果辱王師故書承璀討王
承宗戰不利以罪之其
爲中興之累多矣惜哉

貶元稹爲江陵士曹

河南尹房式有不法事東臺監察御史元稹奏攝之
擅令停務朝廷以爲不可罰俸召還至敷水驛有內
侍後至破驛門入擊稹傷面上復引稹前過貶之李
絳崔羣言稹無罪白居易言中使陵辱朝士中使不
問而稹先貶恐自今中使出外益暴橫人無敢言者
又稹爲御史多所舉奏不避權勢切齒者衆恐自今

無人冒爲陛下當官執法有大姦猾陛下無從得知
上不聽胡氏曰良玉不燼精金不變人材如是者千
萬人而一二爾禮義以維之名譽以崇之扶持成就
如拱把之木至於合抱千霄者中人之資也伐之以
斧斤牧之以牛羊則雖松栢亦不得遂況常木乎元
稹論事忠直剴切一爲內侍所辱憲宗從而重譴之
稹經挫折不克固守遂與賢人君子爲仇敵雖稹自
毀亦由憲宗不能長育人材也嗚呼豈非人君之監
歟

集覽

自毀猶言自暴自棄謂不能固守忠
直也本作雖稹下喬入幽祇自毀壞質實陵

縣名注見漢獻帝建安十三年河
南府名注見秦莊襄王元年三川

三月以吳少陽爲淮西留後

上以河朔方用兵不能討少陽以爲留後時河北用
兵久無功白居易言河北本不當用兵今承堆未嘗

苦戰已失大將還延進退久未有功師道李安元不可保察其情狀似相計會各牧一縣遂不進軍觀此事勢速須罷兵若復遲延所費滋多河北諸將見吳少陽已受制命必引事例輕重請雪承宗章表繼來義無不許如此則是與奪皆由鄰道恩信不出朝廷此臣所爲陛下痛惜者也況今天時已熱兵氣相蒸饑渴疲勞疾疫暴露一有奔潰諸軍必搖西戎北虜承虛入寇兵連禍生何事不有萬一及此實關安危此臣所爲陛下深憂者也不聽

吐突承瓘誘盧從史執送京師以烏重肩爲河陽節度使

盧從史陰與王承宗通謀上甚患之會從史遣牙將王翊元入奏事裴垍引與語爲言君臣之義微動其

心翊元遂輸誠言從史陰謀及可取之狀均令翊元還本軍經營遂得其都知兵馬使烏重脣款要均言於上曰從史必爲亂今與承璀對營而不設備失今不取後雖興大兵未可以歲月平也上許之承璀乃召從史入營與博伏壯士擒縛之馳詣京師昭義士卒聞之皆甲以出烏重脣當軍門叱之曰天子有詔從者賞違者斬遂皆散上嘉重脣功欲即以爲昭義帥李絳以爲不可請授重脣河陽會吐突承璀奏已牒重脣勾當昭義留後絳上言昭義五州據山東要害魏博恒幽諸鎮蟠結朝廷惟恃此以制之誠國之賢地安危所繫也昨爲從史所據使朝廷肝食計不獲已誘而執之已失大體今又以承璀文牒差本軍牙將爲重鎮留後物情頓沮紀綱大紊校計利害更不若從史爲之何則從史雖蓄姦謀已是朝廷牧伯重脣出於列校以承璀一牒代之竊恐河南北諸侯聞之憤怒耻與爲伍且謂承璀誘重脣使逐從史而

代其位必將人人自危萬一連表罪狀承璫不知陛下何以待之不報則衆怒益甚若爲改除則朝廷之度使孟元陽鎮昭義貶從史爲驩州司馬集覽與相與捕博戲也捕博注賢實烏重胤張掖人承璫之亮晉明帝太寧三年子河陽縣名注見昭宣

帝天祐二年要害注見漢文帝十一年驩州注見隋煬帝大業元年

書法

誘執秦當三書矣至梁辛未繼書自是未有書者於是後見非所望於元和之政也從史

信有罪誘而執之則非天討直書譏之終綱目書誘執五詳周顯王二十九年含是無書者矣

發明

從史罪固當誅然誘而執之則非天討矣故書以譏之

秋七月制雪王承宗復其官爵加劉濟中書令

三承宗遣使自陳爲盧從史所離間乞輸貢賦請官
吏許其自新李師道等亦數上表請雪之白居易復
奏請罷兵於是制先雪承宗復以德棣二
州與之悉罷諸道行營加劉濟中書令

書法

憲宗之威令於是小挫矣承瓘爲之也故寵
信宦官雖英明如憲宗不免一誤綱目前書

削奪後書制雪雖承宗遣使自陳
不書所以爲寵信宦官者之戒也

流刺史劉總弒其父濟及其兄緄

濟之討王承宗也以長子緄爲副大使掌留務濟軍
進州次子總爲刺史濟有疾總與判官張圜謀使人
從長安來曰朝廷以相公逗遛無功已除副大使爲
節度使矣濟怒追緄詣行營總因進毒殺濟緄至又
殺之遂質實
瀛州注見漢帝玄更始二年河
間逗遛注見漢宣帝本始三年

發明

子弑父兄在官者殺無赦當是之時劉總有覆載不容之罪使唐室有人則當窮治其惡

正其弑逆之誅然後人道可立今既不能討反乃授以爵命則是上無天子下無方伯人類變爲禽獸中國胥爲夷狄矣考之唐史謂朝廷不知其姦故詔嗣節度豈知兄綬時爲副大使次當傳襲總既矯命殺之朝廷亦當致詰庶可得賊況總爲逆之時同謀甚衆而又詐稱朝旨舉軍驚駭其跡已甚彰彰豈得置而不問故自唐人失賊於是代領軍務詔賜節鉞等事皆不從書而總之名自末年棄官爲僧之外絕不經見其間如討王承宗誅吳元濟之時雖屢嘗出師奏捷載於前史綱目皆削而不書亦以弑父與兄之賊僅猶復領方鎮則唐室遂爲無人而人道不可復立故特爲之諱耳書法若此其所以遏人欲存天理者爲如何哉噫

九月罷吐突承璀爲軍器使

裴垕言於上曰承璀首唱用兵疲弊天下卒無成功
陛下縱以舊恩不加顯戮豈得全不貶黜以謝天下
乎李絳奏曰陛下不責承璀他日復有敗軍之將何
以處之若誅之則同罪異罰彼必不服若釋之則誰
不保身而玩寇乎上即
罷承璀中尉中外相賀

以權德輿同平章事

上問宰相爲政寬猛何先權德輿對曰秦以慘
刻而亡漢以寬大而興先後可見矣上善其言

冬十月以任迪簡爲義武節度使張茂昭爲河中節度
使

義武節度使張茂昭請除代河北諸鎮互遣人說止之
不從凡四上表上乃許之以任迪簡爲義武行軍
司馬茂昭悉以簿書管鑰授之遣其妻子先行曰吾
不欲子孫染於汙俗茂昭既去虞候楊伯玉張佐元
相繼作亂將士共殺之奉迪簡主軍務時府庫罄竭
閭閻亦空迪簡無以犒士乃設糲飯與士平共食之
居戰門下經月士卒感之共請還府然後得安上聞
之命以綬絹十萬賜易定將士授迪簡節鉞徙茂昭
鎮河集覽戰門戰榮戰也崔豹古今注榮戰前驅之
中器以木爲之隋志三品以上門皆列戟唐
制勲至上柱國則列戟以表門戟通作棘禮天官掌
舍爲壇壝宮棘門易定易州本上谷地今屬保定路
定州今中山府質實義武節度注見莊宗同光三年
是屬真定路易定二州名易注見周世宗顯
德五年定注見周威
烈王二十三年中山

十一月貶伊慎爲右衛將軍

金吾將軍伊慎以錢三萬緡賂中尉第五從直求河中從直奏之上貶慎官坐死者三人初慎自安州入朝留其子宥主留事會宥母卒於長安宥不發喪鄂岳觀察使郝士美遣僚屬以事過其境宥出迎因告以凶問先備籃集覽籃與籃竹也質實安州注見周

年鄂岳道名注見
德宗興元元年

以王鐔爲河東節度使

上左右受鐔厚賂多稱譽之上命鐔兼平章事李藩固執以爲不可權德輿曰宰相非序進之官今鐔既無忠勲朝廷又非不得已何爲遽以此名假之上乃止鐔有吏才工於完聚范希朝以河東全軍出屯河

北耗散甚衆。鏐到鎮之初，兵不滿三萬人，馬不過六百匹。歲餘，兵至五萬人，馬有五千匹。器械精利，倉庫充實。又進家財三十萬緡，上復欲加鏐平章事。李絳諫曰：「鏐在太原，雖頗著績效，今因獻家財而命之若後世，何？」
乃止。 質實，太原府名，注見齊明帝建武三年并州。

裴垪罷爲兵部尚書

垪得風疾，上甚悼惜之。

十二月以呂元膺爲鄂岳觀察使

元膺嘗欲夜登城門，已鑰，守者不爲開。左右曰：「中丞也。」對曰：「夜中誰辨真偽？」雖中丞亦不可。元膺乃還，明日擢爲重職。

以李絳爲中書舍人

上每有軍國大事必與諸學士謀之嘗踰月不見學士絳等上言臣等飽食不言其自爲計則得矣如陛下何陛下詢訪理道開納直言實天下之幸非臣等之幸也上遂召對白居易因論事言陛下錯上色莊而罷密召絳謂曰居易小臣不遜須令出院絳曰陛下容納直言故羣臣敢竭誠無隱居易言雖少思志在納忠陛下今日罪之臣恐天下各思箱口非所以廣聰明昭聖德也上悅待居易如初上嘗欲近獵苑中至蓬萊池西謂左右曰李絳必諫不如且止絳嘗面陳吐突承璀專橫語極懇切上作色曰卿言太過絳泣曰陛下置臣於腹心耳目之地若臣畏避左右愛身不言是臣負陛下言之而陛下惡聞乃陛下負臣也上怒解曰卿所言皆人所不能言真忠臣也他日盡言皆應如是遂以爲中書舍人學士如故絳嘗

從容諫上聚財上曰今政令不及兩河河湟淪於左
社朕日夜思雪祖宗之恥而財力不贍故不得不蓄
聚耳不然朕宮中用度極儉薄多藏何用邪胡氏曰三鎮
不臣河湟淪陷誠天子憂責無乃德有未修政有未
善君子有未盡用小人有未盡去乎四者誠備非難
事也汲汲聚歛適為累耳絳若用是開憲宗或可少
藥其惑乎

集覽

上色莊而罷莊嚴也猶言作色也本作上變色罷

質實

蓬萊池一統志云在

西安府城東南一十里唐苑中憲宗改苑中嘗至此
池左社注見漢靈帝中平二年從容注見秦二世三
年河湟二州名注見武宗會昌五
年汲汲注見隋恭帝侑義寧二年

辛卯六年春正月以李吉甫同平章事○二月李藩罷為

太子詹事

欽定四庫全書

御批資治通鑑綱目
卷四十八

六

上嘗與宰相語及神仙李藩對曰秦始皇漢武帝學
仙之效具在前史太宗服天竺僧長年藥致疾此古
今之明戒也陛下春秋鼎盛勵志太平宜拒絕方士
之說苟道盛德充人安國理何憂無堯舜之壽乎胡
氏曰李藩之論甚正而不足回憲宗者無以易之也
傳說告高宗曰念終始典于學厥德修罔覺憲宗未
嘗求賢人講經術則好浮屠黃老其勢固然也誠使
學為王者事日月緝熙彼方知所不足欲罷不能異
端何自質實天竺天竺西域國名注見漢明帝永平
八年方士方外之士傳說告高宗傳說
而入邪商之賢臣注見宋孝武大明二年高宗殷之賢君詳
見通鑑前編念終始典于學厥德修罔覺此說命下
篇之文詳見商書浮屠黃
老注見宋明帝泰始七年

以李絳為戶部侍郎

宦官惡李絳在翰林以為戶部侍郎判本司上問絳
故事戶部皆進羨餘卿獨無進何也對曰守土之官
厚斂於人以市私恩天下猶共非之況戶部所掌皆
陛下府庫之物給納有籍安得羨餘若自左藏輸之
內藏以為進奉是猶東庫移之西庫
質實 左藏庫名
臣不敢踵此弊也上喜其直益重之
大歷十
四年

夏四月以盧坦判度支

或告泗州刺史薛謩有異馬不以獻事下度支使巡
官往驗未返上遲之使品官劉泰昕按其事盧坦曰
陛下既使有司驗之又使品官繼往豈大臣不
足信於品官乎臣請先就黜免上乃召泰昕還
集覽
品官宦官也
有內侍高品
質實 泗州注見昭
宗景福二年

五月以李惟簡為鳳翔節度使

隴州地與吐蕃接舊常更入攻抄人不得息惟簡以
為邊將當謹守備蓄財穀以待寇不當規小利起事
益市耕牛鑄農器以給農之不能自具者增墾田
數十萬畝屬歲屢稔公私有餘販者流及他方

六月詔有司省吏員併州縣減仕塗均俸給

李吉甫奏中原宿兵見在八十餘萬商賈僧道不服
田畝者什有五六是常以三分勞筋苦骨之人奉七
分待衣坐食之輩也今內外官以稅錢給俸者不下
萬員天下或以一縣之地而為州一鄉之民而為縣
者甚衆舊制一品月俸三十緡職田祿米不過千斛
艱難以求增置使額厚給俸錢大厯中權臣月至九
千緡州無大小刺史皆千緡常衮始立限約李泌稍
復增加然有名存職廢或額去俸存間劇之間厚薄

頓異請敕有司詳定省吏員併州縣減入仕之塗定
俸給之數於是詔段平仲韋貫之許孟容李絳同詳
定省併八百八員諸宿兵宿頓也猶言也兵常
色流外千七百餘人**集覽**
采代宗時平章李泌德宗
時平章諸色流外色字一本作員或作司皆
刊誤也諸色流外並注見玄宗開元十七年**質實**
注見玄宗天
寶十五載

秋九月梁悅報仇殺人杖而流之

富平人梁悅報父仇殺秦果自詣縣請罪敕復讐據
禮經則義不同天徵法令則殺人者死宜令都省集
議聞秦職方員外郎韓愈議曰律無復讐之條非闕
文也蓋不許則傷孝子之心而乖先王之訓許之則
人將倚法專殺而無以禁止其端故聖人丁寧其義
於經而深沒其文於律其意將使法吏一斷於法而

經術之士得引經而議也宜定其制曰凡復父讐者
事發具事申尚書省集議奏聞酌其宜而處之則經
律無失其指矣於是
集覽 據禮經則義不同天記
杖悅一百流循州

居父母之仇如之何夫子曰寢苦枕干不仕弗與共
天下也又曲禮文注見隋文帝仁壽四年天不共戴

質實

富平縣名一統志云漢初所置屬北地郡治靈州迴
樂縣界東漢徙寧州彭原縣界晉又徙懷德故

城西魏復徙舊治後周屬馮翊郡隋初屬雍州唐又
徙治義亭城即今治五代梁屬耀州宋金元仍舊

本朝因之改屬西安府韓愈南陽
人循州注見晉高祖天福七年

書法

張璠張琬書報父讐玄宗開元二十三年此
亦父讐也不書父何復父讐義也而璠琬兄

弟皆死則刑已重矣書復父讐所以見用刑
者之過也於是杖而流之善矣無識焉改畧

發明

報仇殺人前已論之詳矣梁悅免死而流固已異於瑄瑋之事然亦未能研核其父見殺

之由而韓愈之議亦不能及此也惜哉

冬十一月弓箭庫使劉希光伏誅以吐突承瓘為淮南

監軍

希光受羽林大將軍孫瑋錢二萬緡為求方鎮事覺賜死事連知內侍省事吐突承瓘出為淮南監軍上問李絳朕出承瓘何如對曰外人不意陛下遽能如是上曰此家奴耳曷以其驅使之久故假以恩私若有違犯朕去之輕如一毛耳試太子通事舍人李涉知上於承瓘恩顧未衰乃投匭上疏稱承瓘有功希光無罪知匭使孔戣見其副章詰責不受上疏極言涉姦險欺天請加顯戮詔貶峽州司倉戣巢父之子

也胡氏曰憲宗心實難於去承璿而言之何其易也
誠以為易者則前此李絳白居易之言至矣何為而
不聽乎今能出之姑以謝劉希光耳希光受金罪死
承璿與馬縱不殺之豈不當配流而猶得監軍刑法
頗矣然憲宗則既以為重典也且其言又有失者夫
授以禁兵出為制將曷重如之以是為恩私可乎師
出無功使叛臣益肆侮玩其罪大矣乃不能誅
至此然後僅能出之夫豈不為英明之累哉
投匭武后置銅匭令上表者投之名曰投匭注見中
宗嗣聖三年刑法頗矣注見太宗貞觀七年刑敕之
頗質實
峽州注見周報
王三十七年

書法

承璿坐希光事則貶也不書貶何監軍非以
處罪人也故從恒辭書以若曰徒遣官云耳

所以深病
憲宗也

集覽

發明

上書劉希光伏誅下書以承瓘為監軍則是連坐之人明矣夫承瓘身為制將總大兵失

律誤國謂宜誅殛以正王法今又有受賂之罪尚得從容出監方鎮則是憲宗知有承瓘而不知有

國法也比事觀

之其失自見

十二月封恩王等女為縣主

十六宅諸王既不出閭其女嫁不以時選尚者皆由官官納賂自達李吉甫為上言其弊詔封恩王等六女為縣主委中書門下宗正吏選門地人才稱可者嫁之

質實

選尚注見漢文帝四年尚之

書法

縣主不書書此何予厚也終綱目書縣主一而已○書縣主僅見此

以李絳同平章事

李吉甫為相多修舊怨上頗知之故擢絳為相吉甫
善建迎上意而絳鯁直數爭論於上前上多直絳而
從其言由是二人有隙○上御延英吉甫言天下已
太平陛下宜為樂絳曰漢文帝時兵革無刃家給人
足費誼猶以為厝火積薪之下不可謂安今法令所
不能制者河南北五十餘州犬戎滋擾近接涇隴烽
火屢驚加之水旱時作倉庫空虛此正陛下宵衣旰
食之時豈得謂之太平遽為樂哉上欣然曰卿言正
合朕意退謂左右曰吉甫專為悅媚如李絳真宰相
也上嘗問貞元中政事不理何乃至此吉甫對曰德
宗自任聖智不信宰相使姦臣得乘間弄威福故也
上曰然此亦未必皆德宗之過朕幼在德宗左右見
軍有得失當時宰相亦未有再三執奏者今日豈得
歸咎於德宗邪卿輩宜用此為戒事有非是當力
陳不已勿畏朕譴怒而遽止也吉甫嘗言人臣不當
強諫使君悅臣安不亦美乎李絳曰人臣當犯顏苦

口指陳得失若陷君於惡豈得為忠上曰絳言是也
吉甫至中書卧不視事長吁而已李絳或久不諫上
輒謂之曰豈朕不能容受邪將無事可諫也吉甫又
嘗言於上曰賞罰人主之二柄不可偏廢今惠澤已
深而威刑未振中外解情願加嚴以振之上顧李絳
曰何如對曰王者之政尚德不尚刑豈可捨成康文
景而效秦始皇父子乎上曰然後旬餘于頔入對亦
勸上峻刑上謂宰相曰于頔大是姦臣勸朕峻刑卿
知其意乎皆對曰不知也上曰此欲使朕失人心耳
吉甫失色退而抑首不言笑竟日胡氏曰吉甫太平
為樂之言所謂一言而近喪邦者也夫聖主憂其所
當憂然後能樂其所可樂然無疆之恤亦未嘗敢亡
也惟樂是務則樂未畢而憂及之矣抑吉甫之言屈
於李絳者五六矣吉甫既不引退憲宗亦兩存之蓋
隱忍恥辱重失富貴者固鄙夫容身之術而集覽
知其媚佞終不憎惡者亦人主宅心之繆哉

無刃漢書東方朔曰兵木無刃注謂兵器如木而無刃言不大治兵也解情解急也情不恭也

質實

延英殿名注見德宗貞元三年涇隴二州名涇注見漢光武建武元年安定隴注同上建武六年涇烽火

注見齊高帝建武四年烽火成康謂

周成王康王文景謂漢文帝景帝

太子寧卒○大稔

是歲天下大稔米

斗有直二錢者

書法

綱目書大稔四詳梁武帝辛酉年舍是無書者矣

壬辰七年春正月以元義方為鄜坊觀察使

義方媚事吐突承瓘李吉甫欲自托於承瓘擢義方為京兆尹李絳惡而出之義方入謝因言絳私其同

年許季同以爲京兆少尹故出臣廊坊專作威福明日上以詰絳曰人於同年固有情乎對曰同年乃四海九州之人偶同科第情於何有且陛下不以臣愚備位宰相宰相職在量才授任若其人果才雖在兄弟子姪之中猶將用之況同年乎避嫌而棄才是乃便身非徇公也上曰善遂趣義方之官

質實

京兆府名注見玄

宗開元十一年

夏四月以崔羣爲中書舍人

上嘉翰林學士崔羣謹直命學士自今奏事必取羣連署然後進之羣曰翰林舉動皆爲故事必如是後來萬一有阿媚之人爲之長則下

質實

崔羣貝州武城人萬一注

見高祖武德九年

欽定四庫全書

五月詔蠲淮浙租賦

上謂宰相曰卿輩屢言淮浙去歲水旱近有御史自彼還言不至為災事竟如何絳對曰臣按淮浙諸道秦狀皆云水旱人流求設法招撫其意似恐朝廷罪之者豈肯無災而妄言災邪此蓋御史欲為姦諛以悅上意耳願得其主名按致其法上曰卿言是也國以人為本聞有災當亟救之豈可復疑之邪因命速蠲其租賦上嘗與宰相論治道於延英殿日旰晷甚汗透御服宰相求退上留之曰朕入禁中所以處者獨宮人宦官耳故樂與卿等且共談為理之要殊不知倦也

集覽 主名人
正誤 主姓名

今按謂主為
質實 禁中注見宋孝
是說者之名
武大明六年

秋七月立遂王恒為皇太子考異

提要漏

質實

遂州名
注見宋

文帝元嘉九年遂寧 ○八月魏博節度使田季安卒

魏博牙內兵馬使田興有勇力頗讀書性恭遜季安淫虐與數規諫季安以為收衆心欲殺不果季安病軍政廢亂夫元氏立其子懷諫為副大使知軍務時年十一召興為都知兵馬使上與宰相議魏博事李吉甫請興兵討之李絳曰魏博不必用兵自當歸朝廷上意以吉甫議為然絳曰兩河藩鎮之跋扈者恐諸將權重而謀已故常分兵以隸之不使專在一人諸將勢均力敵莫能相制雖欲為變莫敢先發跋扈者恃此以為長策然亦必常得嚴明主帥能制諸將之死命者以臨之然後粗能自固今懷諫乳臭子不能自聽斷軍府大權必有所歸諸將不服怨怒必起然則曷日分兵之策反為今日禍亂之階矣田氏不為屠肆則悉為俘囚何足煩天兵哉然彼自列將起代主帥鄰道之所深惡不倚朝廷之援則無以自

存故臣以為不必用兵可坐代魏博之自歸也但願陛下按兵養威嚴敕諸道選練士馬以須後敕不過數月必有自效於軍中者矣至是惟在朝廷應之敏速中其機會不愛爵祿以賞其人使兩河藩鎮聞之恐其麾下效之以取朝廷之賞必皆恐懼爭為恭順矣此所謂不戰而屈人兵者也上曰善

質實

藩鎮注見肅宗上元二年麾下注見漢獻帝建安十四年田興北平盧龍人賜名弘正

冬十月魏博兵馬使田興請吏奉貢詔以興為節度使

田懷諫幼弱軍政皆決於家僮蔣士則數以愛憎移易諸將衆皆憤怒朝命久不至軍中不安田興晨入府士卒大譟環拜請為留後興驚仆久之起謂衆曰汝肯聽吾言乎皆曰惟命興曰勿犯副大使守朝廷法令申版籍請官吏然後可皆曰諾興乃殺蔣士則等十餘人遷懷諫於外監軍以聞上亟召絳曰卿揣

魏博若符契吉甫請遣中使宣慰以觀其變絳曰今
田與奉其土地兵衆坐待詔命不乘此際推心撫納
必待敕使至彼持將士表來然後與之則是恩出於
下而其感戴之心非今日比矣吉甫素與樞密使梁
守謙相結守謙亦為之言上竟遣中使張忠順如魏
絳復上言朝廷恩威得失在此一舉時機可惜奈何
棄之計忠順之行甫應過陝乞明旦即降白麻除興
節度使猶可及也上欲且除留後絳曰田興恭順如
此自非恩出不次無以深慰其心上從之忠
順未還制命已至興感恩流涕士衆鼓舞
籍申請也版籍所
以書戶口與地
質實
年白麻注見德宗貞元十一
年

十一月遣知制誥裴度宣慰魏博

李絳言魏博五十餘年不霑皇化一旦來歸不有重賞過其所望則無以慰士卒之心使四鄰勸慕請發內庫錢百五十萬緡以賜之官官以為太多上以語絳絳曰田興不貪專地之利不顧四鄰之患歸命聖朝陛下奈何愛小費而遺大計不以收一道人心錢用盡更來機事一失不可復追借使國家發十五萬兵以取六州期年而克之其費豈止如此而已乎上悅曰朕所以惡衣菲食蓄聚貨財正為欲平定四方不然徒貯之府庫何為十一月遣知制誥裴度宣慰魏博頒賞軍士六州百姓給復一年軍士受賜歡聲如雷成德兗鄆使者數輩見之相顧失色數曰倔强者果何益乎度為與陳君臣上下之義興聽之終夕不倦請度徧行所部宣布朝命又奏所部缺官請有司注擬奉法令輸稅賦室屋僭侈者皆避不居鄆蔡恒遣遊客間說多方興終不聽李師道使人謂韓弘曰我世與田氏約相保援今興非其族又首變兩河

事亦公之所惡也。我與成德合軍討之。弘曰：「我不知利害，知奉詔行事耳。」若兵北渡河，我則以兵東取曹州。師道懼，不敢動。范氏曰：「憲宗可謂知所取與能用善謀矣。」然猶不過於一傳而復失之。雖穆宗御失其道，亦由人心不固，而王澤易竭也。

集覽

給復一年注見高祖武德

四年，僣強。注：見漢高帝十一年，屈強鄆。蔡恒，鄆州平盧藩鎮，治焉。今東平府是。蔡州，彰義藩鎮，治焉。今汝寧府是。恒州，成德藩鎮，治焉。今真定府是。鄆王，問反。質實，充鄆二州名。充，注見。注：見肅宗寶應元年。蔡恒二州名。蔡，注：見漢光武建武十九年。汝南，恒注同上。建武九年，常山

發明

前書田興請吏奉貢，即書以為節度。至此又書遣裴度宣慰，是皆予其應機之敏捷也。憲

宗用人若此，得非由聽李絳之忠言乎？

置振武天德營田

李絳奏振武天德左右良田可萬頃請擇能吏開置營田可以省費足食上從之命度支使盧坦經度四年之間開田四千八百頃收穀四千餘萬斛歲省度支錢二十餘萬緡

集覽

經度經度營

達各反

質實

度支使注見太宗貞觀十三年

吐蕃寇涇州

吐蕃數入寇上患之李絳言京西京北始置神策鎮兵欲以備禦吐蕃使與節度使犄角相應今則鮮衣美食坐耗縣官每有寇至節度使邀與俱進則云申取中尉處分比及得報虜去遠矣縱有果銳之將聞命奔赴節度使無刑戮以相制相視如平交左右前却莫肯用命請據所在之地割隸本鎮使號令齊一

則軍威大振虜不敢入寇矣上曰朕不知舊事如此
當亟行之既而神策軍驕恣日久不樂隸節度使竟
為官者所沮而止胡氏曰憲宗過光琦遣使斥承璀
撤樓何其決也至於分隸神策乃國計之大者反為
宦官尼止由不能推其所為也苟能推之足以運
量四海不能推之將其身之不自保非虛言也
覽 持角相應持角注見漢昭烈帝章武二年尼
止尼女乙反爾雅止也孟子曰止或尼之
吐蕃西羌種名注見太宗貞觀八年
湟州注見漢光武建武九年安定

癸巳
八年春正月以田融為相州刺史

融興之兄也興幼孤融長養而教之興嘗於軍中角
射一軍莫及融退而扶之曰爾不能自晦禍將及矣
興能自全於
猜暴之時
集覽 角射角校也兩兩相
當習射以校勝負

權德輿罷

李吉甫李絳數爭論於上前德輿居中無所可否上鄙之故罷

賜田興名弘正

書法

書賜名何予田興也前書請吏奉貢此書賜名弘正皆予之也綱目賜名不悉書甚美書

甚惡書書茂昭書弘正甚美也書國忠書正己書全忠甚惡也終綱目書賜名五書賜姓三書賜姓

名三詳玄宗天寶九載

○貶于頔為恩王傳

頔久留長安鬱鬱不得志有梁正言者自言與梁守謙同宗頔使其子敏賂之求出鎮尋覺其詐索賂不

得誘其奴支解之事覺頓素服詣闕請罪左授恩王
傅絕朝謁敏流雷州事連僧鑒虛鑒虛自貞元以來
以財交權悻受方鎮賂遺厚自奉養吏不敢詰至是
權悻爭為之言上欲釋之中丞薛存誠不可上遣中
使詣臺宣旨存誠對曰陛下必欲釋此僧請先
殺臣不然臣不奉詔上嘉而從之杖殺鑒虛

集覽

左授猶言左遷左手足不
如右強左授言貶下也

質實

支解注見玄宗天寶
十五載雷州按一統

志本古之粵地秦平百粵置三郡此屬象郡漢為徐
聞縣屬合浦郡梁分合浦郡置合州尋改南合州隋
仍為合州治海康縣大業初州廢唐武德間復置南
合州貞觀初改為東合州尋又改為雷州因郡有擎
雷水故名天寶初改為海康郡至德初復為雷州五
代時屬南漢宋隸廣南西路元置雷州路本朝改
為雷州府隸廣東道薛存誠寶鼎
人中使注見玄宗開元十五年

徵西川節度使武元衡入知政事

書法

入知政事何未罷相之辭也先是崇文請代以同平章事武元衡為之未罷相也於是徵

還故書曰徵西川節度使武元衡入知政事後書裴度復入知政事義同

○夏六月大水

上以為陰盈之象
出宮人二百車

徙受降城於天德軍

先是振武河溢毀受降城節度使李光進奏請修城兼理河防李吉甫請徙於天德故城以避河患李絳盧坦以為受降城張仁愿所築當磧口據虜要衝美水草守邊之利也欲避河患退二里可矣天德故

城僻處峭嶺烽候不相應接虜忽唐突勢無由知是無故而虜國二百里也城使周懷義奉利害與絳坦同上辛用吉甫策以受降城騎士隸天德軍李絳言於上曰邊兵徒有其數而無其實將帥但緣私役使聚其貨財以結權倖而已未嘗訓練以備不虞此不可不於無事之時豫留聖意也受降兵籍舊四百人及天德交兵纔五十人器械一弓而已故絳言及之上驚曰邊兵乃如是其虛邪卿曹當加按閱會絳罷相而止胡氏曰吉甫在位七年言計鮮效憲宗忽從其策何也李絳忠鯁至此稍以取厭矣吉甫媚順至此益以取憐矣不寧惟是絳謀謨日驗君子怙焉上始疑其立黨而盧坦周懷義所見適與絳同上必曰是皆為黨者也故寧失地而不從絳彼吉甫之計無協同者上必曰是孤立無黨者也故寧違絳而用其策嗚呼亦可謂不明乎善者矣明年絳集覽罷而吉甫在位終其身蓋兆見於此矣

隋置代州今為振武軍東受降城隸焉受降城注見
中宗景龍二年天德故城中受降城西二百里大同
川有天德軍天寶間置乾元後徙也永濟柵故大同
城地按輿地要覽今大同路豐州秦為上郡之北境
漢為五原郡地後魏置永豐鎮隋置豐州西北八
十里有西受降城天德軍治於此確瘠胡角反廣
韻確山多石也瘠當作瘠薄土也不寧
惟是左傳昭元年文解云又不特如此
質實李光進太

原人蜂候注見齊高帝建元四年振武軍名
注見泰王政三年鴈門唐突注見元和十年

書法

城未有書徙者此其書徙何非所徙也終綱
目城書徙二是年受降城五代戊戌年晉澶

城洲

秋九月吐蕃作烏蘭橋

初吐蕃欲作烏蘭橋先貯材於河側朔方常潛遣人投之於河終不能成虜知節度王泌貪先厚賂之然後併力成橋仍築月城守
質實烏蘭橋未詳處所唯之自是朔方禦寇不暇
陝西靖虜衛城南百二十里有烏蘭山山上有烏蘭關或疑即此處朔方郡名注見漢武帝元朔元年

書法

蠻夷之役不書吐蕃橋耳何以書橋成而朔方無寧日也綱目之法苟有關於天下之故

雖蠻夷必書是故吐蕃築原州城書德宗貞元三年吐蕃作烏蘭橋書是年

發明

一橋何必書一以著要害之地為虜所據一以著邊將之貪為虜所罔也

冬十月回鶻擊吐蕃振武軍亂逐其節度使李進賢

振武節度使李進賢不恤士卒使牙將楊遵憲將五百騎趣東受降城以備回鶻士卒還攻進賢進賢奔

靜邊軍詔以張煦為振武節度使將夏州兵二千赴鎮誅亂者二百餘人貶進賢為通州刺史監軍駱朝寬坐縱亂者杖質實東受降城注見中宗景龍二年八十配役定陵靜邊軍未詳沿革唯平涼府靜寧州西七十里有靜邊寨乃宋天禧中所置屬順德軍金屬隆德縣或疑此即其故址夏州注見漢武帝元朔元年朔方通州注見肅宗上元二年定陵中宗之墓注見景龍二年

甲午

九年春正月李絳罷為禮部尚書

上嘗謂宰相曰卿輩當為朕惜官勿用之私親故李吉甫權德輿皆謝不敢李絳曰崔祐甫有言非親非故不諳其才諳者尚不與官不諳者何敢復與但問其才器與官相稱否耳若避親故之嫌使聖朝虧多士之美此乃偷安之臣非至公之道也苟所用非其人則朝廷自有典刑誰敢逃之上以為然又嘗問絳

人言外間朋黨太盛何也李絳對曰自古人君所甚惡者莫若朋黨故小人諧君子者必曰朋黨蓋言之則可惡尋之則無跡以此目之則天下之賢人君子無能免者此東漢之所以亡也願陛下深察之夫君子固與君子合豈可必使之與小人合然後謂之非黨邪絳屢以疾辭位至是遂罷胡氏曰憲宗有意於治事功未半逸欲漸生邪說乘之遂疑君子初以朋黨疑李絳又以朋黨疑裴度而於程昇皇甫鏘則不疑也所以然者絳度數諫昇鏘順從是以自陷於黨此而不自知也太宗以克己納諫親致太平晚而稍怠遂疑魏徵阿黨憲宗固不能免矣所以然者不學故也太甲師伊尹成王師周公武丁師傅說所學者正心不違理故無先明
質實太甲師伊尹太甲商之後暗始勤終怠之失也
賢君伊尹商之聖臣注見梁武帝太清三年成王師周公成王周之賢君周公周之聖臣注見泰昭襄王五十二年武丁師傅說

武丁商之賢君傳說商之聖

臣注見宋孝武大明二年

書法

唐世宰相罷書某罷恒辭也唯賢宰相則雖罷為外官必書非是書罷而已

以吐突承瓘為神策中尉

初上欲相絳先出吐突承瓘為淮南監軍至是召還承瓘復以為左神策中尉范氏曰李絳可謂大臣矣不與承瓘並立於朝故言信於君行信於民可則進不可則退使其君用捨以義而不以利不如是何以為國之**質實**淮南郡名注見漢重哉武帝元朔五年

書法

繼書承瓘何著私也絳與承瓘不兩立者也絳在相位承瓘無可入之理絳朝以出則承

瓘夕以入矣憲宗之拳拳於承瓘如此綱目比而書之所以病憲宗也史稱上欲相絳先出承瓘吾

不信矣

發明

按六年十一月承瓘出監淮南軍十二月李絳同平章事至今年正月甫踰再募絳罷而

承瓘復入夫以李絳之賢不得久於相位承瓘之惡不得久於外服憲宗自謂去承瓘輕如一毛而不知其重若泰山至於絳之為相雖能勉強用之終非所樂是蓋昔人所謂用賢如轉石去佞如拔山者也此事詳觀則得之矣此憲宗之所以不克終

夏五月復置宥州

李吉甫奏開元中置宥州以領降戶寶應以來因循遂廢今請復之以備回鶻撫党項上從之先是回鶻屢請昏朝廷以費廣未許李絳言回鶻凶彊不可無備准西窮蹙事更經營萬一北邊有警則非步騎數

萬不足抗禦而淮西遺醜復延歲月之命為國家費
豈特降主之比哉上不聽胡氏曰李深之既不見庸
奉身而退可也天子而議和番雖有故典若揆以正
理夫豈當贊而絳懇懇言之於是昧中外之辯失語
默之**集覽**降主下嫁公主**質實**省州注見明宗長興
宜矣也深之李絳字四年回鶻匈奴種名
注見太宗貞觀元年党項西羌
別種注見陳後主至德四年

六月以張弘靖同平章事質實

張弘靖蒲州人延賞之子

○秋七月

以岐陽公主適司議郎杜棕

翰林學士獨孤郁權德興之壻也上曰德興得壻郁
我反不及邪先是尚主皆取勲戚之家上始命宰相
選公卿子弟可居清貫者諸家皆不願惟杜佑孫棕
不辭遂以棕尚岐陽公主公主上長女郭妃所生也

有賢行杜氏大族尊行不翅數十人公主卑委怡順
一同家人禮度二十餘年人未嘗以絲髮問指為貴
驕始至則與棕謀曰上所賜奴婢卒不肯窮屈奏請
納之悉自市寒賤可制指者自是閨門落然不聞人
聲

集覽

清貫史炤曰貫事也清貫猶言清職也尊行
不翅數十人行戶浪反翅讀曰啻謂尊長行

輩奚啻數十之多可制指者
可制御而伏聽指麾之人

質實

杜棕京兆萬年人
注見晉安帝隆安

五年岐陽周之鎮名漢為美陽縣地隋移三龍縣治
此後改為岐山縣唐復析置岐陽縣後廢為鎮故址
在鳳翔府城東一百里公
主注見晉安帝隆安五年

書法

書下嫁多矣未有書某官者此其書何何於
於帝美權德輿之得壻獨孤郁也命選公卿

子居清貫者尚公主書司議郎帝意也自是鄭顓
書起居郎于棕書校書郎韋保衡書右拾遺終唐

世書下嫁皆清
貫者帝啟之也

閏月彰義節度使吳少陽卒

少陽在蔡州陰聚亡命抄掠壽州茶山以實其軍既死其子元濟匿喪自領軍務初少陽聞吳武陵名請為賓友武陵不答至是以書喻元濟曰人情一也足下反天子部曲亦欲反足下易地而處則情可知矣少陽判官蘇兆楊元卿大將侯惟清皆勸少陽入朝元濟殺兆因惟清元卿先奏事在長安具以淮西虛實及取元濟之策告言甫元濟殺其妻子而以董重質為謀主李吉甫言於上曰淮西非如河北四無黨援而國家常宿數十萬兵以備之勞費不支失今不取後難圖矣上將討之張宏靖請先為少陽輟朝贈官遣使弔贈待其有不順之迹然後加兵上從之遣工部員外郎李君何弔祭不得入而還

集覽

亡命注見漢文帝五年報朝輟止朝見也猶言棄世正誤輟朝今按輟朝者大臣薨歿天子哀悼為

之罷壽州注見齊王寶卷永元二年壽朝也質實陽吳武陵信州貴溪人劬之子

以烏重脣為汝州刺史

李吉甫以為汝州杆蔽東都而河陽宿兵本以制魏博今田弘正歸順則河陽為內鎮不應屯重兵以示猜阻以烏重脣兼汝州刺史使徙鎮之加弘正檢校右僕射賜其軍錢二十萬緡弘正曰吾未若移河陽軍之為喜也質實汝州注見漢光武建武二年梁縣東都注見秦莊襄王元年三川河陽縣名注見昭宣帝天祐二年

冬十月李吉甫卒○十二月以韋貫之同平章事

乙未 十年春正月吳元濟反制削其官爵發兵討之考異

按提要
制作詔

吳元濟縱兵侵掠及東畿制削其官爵發十六道兵討之又詔鄂岳觀察使柳公綽以兵五千授安州刺史李聽討元濟公綽曰朝廷以吾書生不知兵邪即奏請自行許之至安州署聽都知兵馬使選卒六千屬之戒曰行營之事一決都將聽感恩畏威如出麾下公綽號令整肅區處軍事諸將皆服士卒在行營者厚給其家妻淫泆者沈之於江士卒皆喜故每戰皆捷公綽所乘馬踶殺圍人公綽命殺馬以祭之

集覽

馬踶殺圍人公綽大計反踶也

質實

柳公綽華原人安州注見

周世宗顯德五年安陸麾下注見漢獻帝建安十四年

三月以柳宗元為柳州刺史劉禹錫為連州刺史

王叔文之黨十年不量移執政有憐其才欲漸進之者悉召至京師諫官爭言其不可上亦惡之皆以為遠州刺史宗元得柳州禹錫得播州宗元曰播州非人所居而夢得親在堂萬無母子俱往理欲請於朝以柳易播中丞裴度亦以禹錫母老為上言上曰為人子不自謹貽親憂此則重可責也度曰陛下方待太后恐禹錫在所宜矜上良久乃曰朕所言以責為子者耳然不欲傷其親心退謂左右曰裴度愛我終切禹錫得改連州宗元善為文嘗作梓人傳曰梓人不執斧斤刀鋸之技專以尋引規矩繩墨度材視制指麾衆工各趨其事不勝任者退之大厦既成則獨名其功猶相天下者立綱紀整法度擇天下之士使稱其職能者進之不能者退之萬國既理而談者獨稱伊傳周召其百官執事之勤勞不得紀焉或者不

知體要銜能矜名親小勞侵衆官听听於府庭而遺
其大者遠者是不知相道者也又作種樹郭橐駝傳
曰橐駝善種樹其言曰凡木之性其根欲舒其土欲
固既植之勿動勿慮去不復顧則其天全而性得矣
他人不然根拳而土易愛之太恩憂之太勤旦視而
暮撫之甚者爪其膚以驗其生枯搖其本以觀其疎
密而木之性日以離矣雖曰愛之其實害之故不我
若也長人者好煩其令若甚憐焉而卒以禍之亦猶
是

集覽

夢得禹錫字听听於府庭杜甫詩听听國多
已

楚辭宋玉九辯曰猛吠狺狺而近吠兮郭
橐駝傳柳宗元作此傳蓋寓言以為諷也

正誤

听听於府

庭今按听當與斷通漢書洙泗之
間斷斷如也辨爭貌並魚斤切

質實

柳州注見中
宗嗣聖元年

播州注見漢武帝元光五年連州注見隋文帝開皇
十四年陽山伊傳謂商之伊尹傳說周召謂周之周

公召

田弘正遣其子布將兵助討淮西

發明

宏正以魏博歸命今又遣兵助討淮西尤為可嘉故特書以予之

○盜焚河陰轉運院

李師道數上表請赦吳元濟上不從師道使大將將
二千人趣壽春聲言助官軍實以緩元濟也師道素
養刺客姦人數十人說師道曰用兵所急莫先糧儲
今河陰院積江淮租賦請潛往焚之因劫東都焚宮
闕亦救蔡一奇也師道從之遣攻河陰轉運院燒錢
帛三十餘萬緡匹穀二萬餘斛人情恒懼多請罷兵
上不
質實
壽春縣名注見秦王政六年河陰
縣名注見漢光武建武十五年

欽定四庫全書

御批資治通鑑綱目

卷九

夏五月遣御史中丞裴度宣慰淮西行營

諸軍討淮西久未有功上遣裴度詣行營宣慰察用
兵形勢度還言淮西必可取之狀且曰觀諸將惟李
光顏勇而知義必能立功旣而光顏數敗賊軍上以
度為知人知制誥韓愈亦言淮西三小州殘弊困劇
之餘而當天下之全力其破敗可立而待然所未可
知者在陛下斷與不斷耳因言諸道發兵各二三千
人勢力單弱心孤意怯難以有功環賊諸州壤地連
接村落百姓悉有兵器習於戰鬪識賊深淺皆願自
備衣糧保護鄉里若令召募立可成軍乞悉罷諸道
軍募土人以代之胡氏曰漢元帝宋文帝唐文宗雖
勤儉願治而以優柔不斷反召衰亂不斷之害大矣
銳然而斷如景帝殺周亞夫東京錮名士苻堅伐江
左梁武納侯景隋文廢儲后太宗征高麗德宗和吐
蕃皆確然必行莫可回沮然則斷之為害豈小乎故

凡一善之目或用之而是或用之而非無不然者惟明乎實理而慕其虛名未有不失者也人君欲明乎實理惟學而已矣

集覽 淮西三小州申州義寧郡今信陽州是光州弋陽郡蔡州汝南郡三州皆在淮西屬彰義藩鎮心孤孤一本

正誤 心孤今按作狐史炤釋文曰謂心若狐之疑

質

實 李光顏太原人光進之弟

六月盜殺中書侍郎同平章事武元衡擊裴度傷首

上悉以兵事委武元衡師道客曰天子所以銳意誅蔡者元衡贊之也請密往刺之元衡死則他相不敢主其謀爭勸天子罷兵矣師道資給遣之王承宗亦遣牙將尹少卿奏事且詣中書為元濟遊說辭指不遜元衡叱出之承宗又上書詆元衡至是元衡入朝有賊自暗中射殺之取其顱骨而去又擊裴度傷首

墜溝中京城大駭於是詔宰相出入加金吾騎士張
弦露刃以衛之賊遺紙於金吾府縣曰毋急捕我我
先殺汝故捕賊者不敢甚急兵部侍郎許孟容見上
言自古未有宰相橫屍路隅而盜不獲者此朝廷之
辱也因涕泣又詣中書揮涕言請奏起裴中丞為相
大索賊黨於是詔內外搜捕購賞甚厚王士則告承
宗遣卒張晏所為捕得鞠之并出承宗表詔議其罪
晏等具服張弘靖以為疑屢言之上不聽竟誅之而
師道客
潛遁去

質實

金吾官名注見漢
武帝太初元年

書法

唐世宰相具官卒者三人重予之也
於是見殺而具官焉元衡誠賢相哉

發明

宰相謀人之國當使中外尊安社稷鞏固百
姓從風而嚮化四夷稽首而聽命若是則可

以無負於經邦之職否則具位焉耳武元衡身為
上宰而盜賊殺諸通衢不翅如獵狐兔豈不有愧

於代天理物之任耶嗚呼此亦可以求其故矣自
大盜遺禍諸鎮連衡更歷四世制御不得其術治
之愈急則其勢愈熾必至於智力俱困而後已幸
而元和臣主有志當世力以平賊為事於是遣將
出師毅然有守不以成敗利鈍而沮一定之謀然
而叛黨圍視而起亦可謂事變之極元衡躬任討
賊之責不以浮議為之動搖觀其叱去遊說之人
不顧詆毀之時與賊為仇誠足以當大臣之職故
雖身死賊手而綱目大書其官蓋言其無忝股肱
之位不失所守足為唐之相臣此固書法予之之
意也夫賢人君子以身許國及其成功則亦有幸
不幸存焉要之不失其正則雖死之年猶生之日
而忠肝義膽直與天地相為始終臣恐後人或以
元衡死於盜賊曲加擬議故特因綱目所書詳為
之說以告後之
安於義命者云

以裴度同平章事

度病創卧二旬詔以衛兵宿其第中使問訊不絕或請罷度官以安恒鄆之心上怒曰若罷度官是姦謀得成朝廷無復綱紀吾用度一人足破二賊遂以度為相度言淮西心腹之疾不得不除且朝廷業已討之兩河跋扈者將視此為高下不可中止上以為然悉以用兵事委度討賊愈急初德宗多猜忌朝士有相過從者金吾皆伺察以聞宰相不敢私第見客度奏今寇盜未平宰相宜招延四方賢才與參謀議請於私第見客許之范氏曰德宗禁錮宰相而使之其宰相亦塗其耳目以容身保位國之治亂民之休戚若不聞見焉自古以來未有聾瞽其大臣而可以為國者也夫疑之則勿任任之則勿疑置相者當擇之於未用之前而不當疑之於既用之後未有可托天下而不保其不欺君者也然而人君多悅人之從己

其未用也輕信之既用也過防

質實
恒鄆二藩鎮名恒謂王承宗鄆

謂李師道綱紀注見宋文帝元嘉
元年禁錮注見漢章帝元和元年

秋七月靈武節度使李光進卒

光進與弟光顏友善光顏先娶其母妾以家事母卒
後光進乃娶光顏使其妻奉管鑰籍財物歸于其奴
光進反之曰新婦逮事先姑先姑
命主家事不可易也因相持而泣

詔絕王承宗朝貢○八月朔日食○李師道遣兵襲東 都捕得伏誅

李師道置留後院於東都潛內兵數百人謀焚宮闕
縱兵殺掠其小卒詣留守呂元膺告變元膺發兵圍

之賊衆突出望山而遁都城震駭時留兵寡弱元膺坐皇城門部分指使意氣自若都人賴以安東都西南皆高山深林民不耕種專以射獵為生人皆趨勇謂之山棚元膺設重購以捕賊數日有山棚遇賊走召其儕引官軍共圍獲之按驗得其魁乃中嶽寺僧圓淨為師道買田伊闕陸渾山間以舍山棚而衣食之捕獲伏誅黨與死者凡數千人留守將及驛卒數人皆受其職名元膺鞫圓淨黨與始知殺武元衡者乃師道也元膺密以聞上

集覽

趨勇注見晉穆帝升平二年伊闕注見周

安王十五年陸渾注見漢帝立更始二年舍山棚舍如字館也

質實

中嶽寺在河南府登封縣東嵩

山神蓋

峯下

九月以韓弘為淮西諸軍都統

初上以嚴綬在河東所遣裨將多立功故使鎮襄陽
且督諸軍討淮西綬無他材能但傾府庫以養士卒
賂官官以結聲援擁衆經年無尺寸功裴度屢言其
軍無政乃以韓弘為諸軍都統弘亦欲倚賊自重不
願淮西速平時李光顏戰最力弘欲結之舉大梁城
索得一美婦人容色絕世遣使遺之光顏乃大饗將
士謂使者曰戰士數萬皆棄家遠來冒犯白刃光顏
何忍獨以聲色自娛悅乎因流涕坐者皆泣乃即席
厚贈使者并妓返之曰為光顏多謝相公光顏
以身許國誓不與逆賊同戴日月死無貳矣
質實

襄陽府名注見漢獻帝建安十二年
大梁城注見周顯王二十九年

冬十月盜焚柏崖倉十一月焚獻陵寢宮永巷質實

柏崖

倉在懷慶府濟源縣柏崖城內獻陵高祖之墓注
見太宗貞觀九年永巷注見周報王四十五年

○吐

蕃請互市許之○十二月河東節度使王鐸卒

鐸家奴告鐸子稷匿所獻家財上命遣中使檢括裴度諫曰臣恐諸將帥以身後為憂上遽止使者以二奴付京兆杖殺之

丙申十一年春正月張弘靖罷為河東節度使

王承宗縱兵四掠幽滄定三鎮皆苦之爭上表請討承宗上欲許之弘靖以為兩役並興恐國力不支請併力平淮西乃征恒冀上不為之止弘靖乃求罷從之范氏曰張弘靖言不失職進退以禮有大臣之體矣其後卒捨恒冀併力淮西如其所慮憲宗雖得之於裴度而失之於弘靖豈未之思乎質實西

謂吳元濟恒冀謂王承宗

翰林學士錢徽知制誥蕭俛罷考異

翰上漏以字

時羣臣請罷兵者衆上患之故黜徽俛以警其餘

集覽

俛免

質實

錢徽吳興人起之子

書法

學士知制誥未有書罷者此其書何予斷也於是討蔡未克徽俛各請罷兵上不聽黜之

然後異辭息矣

制削王承宗官爵發兵討之

韋貫之屢請先取吳元濟後討承宗曰陛下不見建中之事乎始於討魏及齊而蔡燕趙皆應之卒致朱泚之亂由德宗不能忍數年之憤欲太平之速成故也上不聽諸軍討王承宗者互相觀望獨昭義節度使郝士美引精兵壓其境大破承宗之衆於柏鄉

質實

柏鄉一統志云本春秋晉之鄆邑地名漢

欽定四庫全書

御批資治通鑑綱目

全四

為鄆縣屬常山郡隋分置柏鄉縣遙取漢北鄉之名
唐屬澤州後改屬趙州宋省柏鄉為鎮後復置縣金
諫沃州元諫趙州國
朝因之改屬真定府

盜斷建陵門戟質實

建陵肅宗之墓注見代宗廣德元年

書法

於是凡五書盜逆黨盛也然則憲宗之斷誠不可及矣

發明

自淮西用兵盜賊竊發綱目皆一一書之者所以著憲宗力於討賊不以人情動搖之故

而為之罷兵也下書高霞寓敗其義亦然

○二月吐蕃贊普死

新贊普可
黎足立

以李逢吉同平章事質實

李逢吉
龍西人

○南詔勸龍晟為其

下所殺考異

當書南詔弒
其王勸龍晟

勸龍晟淫虐不道其臣王
嗟巔弒之立其弟勸利

書法

凡書為所殺譏不在人也於是勸龍晟淫虐
不道故書譏之綱目夷狄之君書為下所殺

四太宗貞觀二十年吐迷度德宗貞元六年忠
貞可汗是年勸龍晟文宗太和六年昭禮可汗

三月皇太后崩考異

太后下漏
王氏二字

考證

當作皇太后王氏
崩○謹按凡例曰

凡正統皇太后曰某后某氏崩順宗傳位時立良娣王
氏為太上皇后綱目不書元和元年尊太上皇后為皇
太后不書氏是年三月崩故當書王氏於崩之上或曰
漢建元六年太皇太后崩何以不書竇氏曰文帝元年

立竇氏為皇后故於崩雖不書氏則已知其為竇后矣

○夏四月以司農卿皇甫

鏐判度支

鏐始以聚斂得幸

質實

皇甫鏐臨涇人

五月李光顏烏重胤敗淮西兵於陵雲柵○六月唐鄧

節度使高霞寓大敗於鐵城質實

唐鄧二州名唐注見齊武帝永明五年此

陽鄧注見周赧王十四年穰鐵城未詳處所唯德安府城北五里有鐵城山其石如鐵故名或疑即此

時諸將討淮西者勝則虛張殺獲敗則匿之至是大敗不可掩始上聞中外駭愕宰相入見將勸罷兵上口勝負兵家之常今但當論用兵方畧察將帥之不足勝任者易之兵食不足者助之耳豈得以一將失利

遽議罷兵邪於是獨用裴度之言他人言罷兵者亦稍息矣

秋七月貶高霞寓以袁滋為彰義節度使○八月韋貫之罷為吏部侍郎

貫之性高簡好甄別流品又數請罷兵故罷胡氏曰夫討不庭復土宇是也而不度可否難易必於進取豈善為帥者哉況當用兵之時尤欲君子在朝小人勿用乃繼去二相而拜李逢吉王涯皇甫鏘亦以聚斂得幸譬如方欲決疣潰癰而已遇酒色之毒所以四體腹心幾完而頓弊歟**集覽**甄別流注見宣宗大中十二年流品注見宣宗開元十七年以討不庭注見漢獻帝興平二年

葬莊憲皇后○九月饒州大水質實

饒州注見梁武帝太清三年鄱陽

漂失四千

七百戶

李光顏烏重胤拔陵雲柵○加李師道檢校司空

李師道聞拔陵雲而懼詐請輸款上以力未能討加檢校司空

冬十一月以柳公綽為京兆尹

公綽初赴府有神策小將躍馬衝其前導公綽駐馬杖殺之明日入對上怒詰之對曰京兆為輦轂師表今視事之初而小將敢爾唐突此乃輕陛下詔命非獨慢臣也臣知杖無禮之人不知其為神策將軍也上曰何不奏對曰臣職當杖之不當奏上集覽輦轂退謂左右曰汝曹須作意此人朕亦畏之師表車以人輓而行者曰輦車輪正行而守轡者曰轂京師為天下師表舟車之所輻輳也故以取喻唐突本

作搪揆觸也。搪或作揲。杜甫謀伐木序。若恃爪牙之利。必昏黑堂突。漢書孔融。揲突宮掖。頰作意。猶言當著正誤也。京師乃天子輦轂之下。故京兆尹為輦轂之師。表質實。京兆府名。注見玄宗開元十一年。

加李光顏等檢校官

討淮西諸軍近九萬。上怒諸將久無功。命梁守謙宣慰。因留監軍。先加李光顏等檢校官。而詔書切責示以無功。必罰。

十二月義成節度使渾鎬與王承宗戰大敗

渾鎬與承宗戰。屢勝。引金師壓其境。承宗懼。潛遣兵入鎬境。焚掠城邑。人心始內顧。而搖中使又督其戰。

鎬進戰大敗
奔還定州

質實

義成節度注見懿宗咸通十年中使
注見玄宗開元十五年定州注見

周威烈王二
十三年中山

以王涯同平章事○貶袁滋以李愬為唐鄧節度使

袁滋至唐州元濟圍其新興柵滋卑辭以請之元濟
由是不復以滋為意朝廷知之貶滋撫州刺史以李
愬代之愬至唐州知士卒憚戰謂之曰天子知愬柔
懦故使拊循爾曹至於戰攻進取非吾事也衆始信
而安之愬親行視士卒傷病者存恤之不事威嚴或
以軍政不肅為言愬曰吾非不知也袁尚書專以恩
惠懷賊賊易之聞吾至必增備吾故示之以不肅彼
必以吾為懦而懈惰然後可圖也淮西人輕愬不為
備

集覽

李愬愬
色窄反

正誤

李愬今按愬字
元直則當如字

質實

撫州注見
晉安帝隆

安二年臨川李愬洮
州臨潭人晟之子

書法

滋嘗書貶吉州刺史矣於是又貶撫州則曷
為不書削之也滋再命再辱是以為不足書

也故
削之

初置淮潁水運使

楊子院米自淮陰汴淮入潁至項城入澠輸于
鄆城以饋淮西行營省汴運之費七萬餘緡

集覽

楊子院米自淮陰汴淮入潁楊一作楊誤也今真州
楊子縣南濱楊子江時此處置轉運院故曰楊子院
北入小河東去楊子橋經揚州北去淮安入潁左傳
哀九年吳城邾溝通江淮注云穿溝東北通射陽湖
西北至宋口入淮通糧道即此自淮東汴流西過淮
陰入潁水至項城入澠由陳州項城西入澠水澠與

潁同音於斤反即汝南潁強縣水經云潁水出潁川陽城少室山東入潁鄆城鄆於建反許州縣也故城

今在縣南五里與

質實

楊子按一統志本漢江都縣地名唐為揚州楊子縣地五

衰信縣白亭相近

代時楊吳為永正縣地南唐置迎鑾鎮宋初陞為建安軍中中祥符間陞軍為真州治楊子縣政和中號

郡曰儀真元至元中改真州路後復為真州本朝

改為儀真縣以楊子縣省入屬揚州府淮陰郡名注

見宋孝武大明二年山陽淮河名在淮安府城北五

里自泗州龜山北流入府界蒙迴府城東入於海周

職方氏青州其川淮泗謂此沂音蘇故反逆流而上

也亦作邈潁水名在河南府登封縣潁谷東經鄭州

至襄城縣為渚河又東經臨潁縣西合沙河入淮項

城縣名注見梁武帝太清二年潁水名注見德宗貞

元二十一年鄆城縣名注見漢光武建武二

年鄆汴州名注見周顯王二十九年太梁

丁酉十二年春二月置淮西行縣

淮西被兵數年竭倉廩以奉將士民多無食采菱芡魚鱉鳥獸食之亦盡多降官軍敕置行縣以撫之

書法

書行縣何特筆也行縣置而人知有唐淮西不足平矣故特書之

三月淮西文城柵降

李愬謀襲蔡州表請益兵詔以步騎二千給之愬遣大將馬少良將十餘騎巡邏遇吳元濟捉生虞候王士良與戰擒之士良元濟驍將常為東邊患衆請剗其心愬許之士良無懼色愬命釋其縛士良請盡死以報德愬署為捉生將士良言於愬曰吳秀琳據文城柵為賊左臂官軍不敢近者有陳光洽為之謀主也光洽勇而輕好自出戰請為公擒之則秀琳降矣遂擒光洽以歸秀琳果以柵降愬引兵入據其城其

將李憲有才勇愬更其名曰忠義而用之於是軍氣復振人有欲戰之志賊中降者相繼愬聞其有父母者皆給粟帛而遣之衆皆感泣

集覽

勇而輕輕去聲不持重也左傳輕則寡謀

質實

蔡州注見

漢光武建武十九年文城郡名注見漢獻帝建安十三年西平

夏四月淮西鄆城降

官軍與淮西軍夾潁水而陣諸軍顧望無敢先度陳許兵馬使王沛先引兵度潁水於是諸軍相繼皆度進逼鄆城李光顏敗其兵三萬殺士卒什二三李愬分兵攻下數柵元濟以董昌齡為鄆城令而質其母其母謂昌齡曰順死賢於逆生汝去逆而吾死乃孝子也從逆而吾生是戰吾也會官軍絕鄆城歸路昌齡乃舉城降光顏入據之元濟聞之甚懼時董重質守洄曲元濟悉發親近及守城卒詣重質以拒官軍

質實

陳許二州名陳注見周赧王三十六年許注見漢後主建興十年許昌

書法

一柵一城降常事耳何以書闕要也文城降而後知有李祐郾城降而後蔡兵盡萃於洄

曲皆愬之所以成功者也故特書之

五月罷河北行營

六鎮討王承宗者兵十餘萬回環數千里既無統帥又相去遠期約難一由是歷二年無功劉總出境五里不進月費度支錢十五萬緡李逢吉及朝士多言併力先取淮西俟淮西既平乘勝取恒冀如拾芥耳上從之罷河北行營胡氏曰古之人有言武不可黷黷武無烈周頌曰於鑠王師遵養時晦憲宗若能持其志無暴其氣用張弘靖韋貫之言專意淮西裴度視師二相居內協謀共濟蓋不待四年而淮蔡平

矣然後先之以文詰之辭申之以福極之戒河北叛臣固將斂衽聽命其有不服然後武震以懾威之蓋不止成德可平也發之甚銳罷

集覽

既無無字一本之無名為賊所輕傷重亦大矣誤作而武不可

蹟注見漢靈帝中平五年蹟武於鏐王師遵養時晦詩酌篇於鏐王師遵養時晦時純熙矣是用大介文

公集傳曰於音烏嘆辭鏐威遵循熙光介甲也所謂一戎衣也此頌武王初有於鏐之師而不川退自循

養與時皆晦既純先矣然後一戎衣而天下大定文語之辭注見高祖武德三年福極之戒書洪範嚮用

五福威用六極五福一曰壽二曰富三曰康寧四曰攸好德五曰考終命六極一曰凶短折二曰疾三曰

憂四曰貧五曰惡六曰弱注言天所以嚮勸人用五福所以威沮人用六極福極者人感而天應也成德

謂成德藩鎮王承宗

李愬擒淮西將李祐

愬每得降卒必親引問委曲由是賊中陰易遠近虛實盡知之厚待吳秀琳與謀取蔡秀琳曰非得李祐不可秀琳無能為也祐有勇畧守興橋柵時帥士卒割麥於張紫村愬召廂虞候史用誠以三百騎伏林中誘而擒之以歸將士爭請殺之愬釋縛待以客禮時時召祐及李忠義屏人語或至夜分他人莫敢預聞諸將恐祐為變多諫愬待祐益厚士卒亦不悅諸軍日牒愬稱得賊謀者言祐為賊內應愬恐誘先達於上已不及救乃持祐泣曰豈天不欲平此賊邪何吾二人相知之深而不能勝衆口也乃械祐送京師先密奏曰若殺祐則無以成功詔以還愬愬見之喜執其手曰爾之得全社稷之靈也署散兵馬使令佩刀巡警出入帳中或與同宿密語達曙有竊聽者但聞祐感泣聲舊軍令舍賊謀者屠其家愬除其令

使厚待之謀反以情告愬愬益知賊中虛實嘗遣兵
攻朗中不利衆皆悵恨愬獨喜乃募敢死士三千人
號曰突將朝夕自教習之使常為行備
集覽 署散兵馬使署除也
散工聲六院兵馬使
賊謀注見陳後主禎明元年陳諜朗中
未詳其義或疑即朗山縣注見下文

書法

韋臯獲吐蕃將不書論莽熱此書
李祐何特筆也得祐而蔡可得矣

六月吳元濟請降

元濟兵勢日蹙上表請罪願束身自歸
詔許之而為董重質等所制不得出

秋七月大水○以孔戣為嶺南節度使

先是明州歲貢蚶蛤水陸遞夫勞費華州刺史孔戣
奏罷之至是嶺南擇帥宰相奏擬數人上皆不用曰

項有諫進蚶哈者可與也

集覽

蚶蛤音慈閭蚶蚌屬橫縱其理五味自充

乃以戮為嶺南節度使

蛤似蚌而圓記月

質實明州注見僖宗乾符四年華州注見玄宗開元十一年嶺

南道名注見秦始皇三十三年南海孔戮冀州人先聖三十八世孫

以裴度兼彰義節度使充淮西宣慰招討使

諸軍討淮西四年不克饋運疲弊民至有以鹽耕者上亦病之宰相李逢吉等競言師老財竭意欲罷兵度獨無言上問之度曰臣誓不與此賊俱生今請自往督戰且元濟勢實窘迫但諸將心不一不併力迫之故未降耳若臣自詣行營諸將恐臣奪其功必爭進破賊矣上悅從之度奏刑部侍郎馬總為宣慰副使右庶子韓愈為行軍司馬將行言於上曰臣若減賊則朝天有期賊在則歸闕無日上為之流涕御通

化門送之李逢吉不欲討蔡翰林學士令狐楚與逢吉善度恐其合中外之勢以沮軍事乃請改制書數字且言其草制失辭罷之度遂行以郾城以治所先是諸道皆有中使監陳進退不由主將勝則先使獻捷不利則陵挫百端度悉奏去之

質實

彰義節度注見元和四年

扶風人令狐楚華原人德業之裔孫也

九月以崔羣同平章事李逢吉罷

初上為廣陵王布衣張宿以辨口得幸及即位累官至比部員外郎招權受賂逢吉惡之上欲以宿為諫議大夫逢吉曰宿小人豈得竊賢者之位必欲用宿請先去臣上不悅逢吉又與裴度異議上方倚度以平蔡乃罷逢吉而竟用宿崔羣王涯固諫不聽宿由是怨執政及當時端方之士與皇甫鎛相表裏譖去

之質實

廣陵郡名注見漢武帝元朔五年淮南

李愬攻吳房入其外城

李愬將攻吳房諸將曰今日往亡愬曰吾兵少不足戰宜出其不意彼以往亡不吾虞正可擊也遂往克其外城而還淮西將孫獻忠以驍騎五百追擊其背衆驚將走愬下馬據胡牀令曰敢退者斬返旆力戰斬獻忠或勸愬乘勝攻其子城可拔也愬不聽引還

質實吳房地志汝南有吳房縣注吳王闔廬弟夫槩奔楚楚封於此為堂谿氏本房子國以其封吳故名吳房往亡註見晉安帝義熙六年不吾虞猶言不料我也左傳成八年其孰以我為虞注虞度也返旆旆旗類也爾雅緇縑廣充幅長尋曰旆繼旆曰旆注旆用帛全幅長八尺又以帛續旆末為燕尾者曰旆左傳令尹南轅反旆

質實吳房一統志云

漢之縣名屬汝南郡本春秋時房子國後魏改遂寧縣屬襄城郡隋復為吳房縣屬汝南郡唐貞觀初縣廢尋復置屬蔡州元和未改遂平縣屬唐州長慶初還屬蔡州宋金仍舊元初省入汝陽大德間復置屬汝寧府本朝因之仍屬焉

胡牀注見周世宗顯德五年

冬十月李愬夜襲蔡州擒吳元濟檻送京師

李祐言於李愬曰蔡之精兵皆在洄曲守州城者皆羸卒可以乘虛直抵其城比賊將聞之元濟已成擒矣愬然之十月遣掌書記鄭澥白裴度度曰兵非出奇不勝常侍良圖也愬乃命祐及李忠義帥突將三千為前驅自與監軍將三千人為中軍李進誠將三千人殿其後軍出不知所之愬曰但東行行六十里夜至張柴村盡殺其戍卒及峰子據其柵命士卒少休食乾糒整羈勒留兵鎮之以斷朗救兵又分兵以

斷泗曲及諸道橋梁復夜引兵出諸將請所之愬曰
入蔡州取吳元濟諸將皆失色監軍哭曰果落李祐
姦計時大風雪旌旗裂人馬凍死者相望人人自以
為必死然畏愬莫敢違夜半雪愈甚行七十里至州
城自吳少誠拒命官軍不至蔡州城下三十餘年故
蔡人不為備四鼓愬至無一人知祐忠義鑲其城以
先登壯士從之殺守門卒而留擊柝者使擊柝如故
遂開門納衆鷄鳴雪止愬入居元濟外宅或告元濟
曰官軍至矣元濟不信起聽於廷聞愬軍號令曰常
侍傳語應者近萬人始怯曰何等常侍能至於此乃
帥左右登牙城拒戰時董重質擁精兵萬餘人據泗
曲愬曰元濟所望者重質之救耳乃訪重質家厚撫
之遣其子傳道持書諭重質重質遂單騎詣愬降愬
攻牙城燒其南門民爭負薪芻助之門壞執元濟檻
送京師且告于裴度申光二州及諸鎮兵二萬餘人
相繼來降自元濟就擒愬不戮一人自官軍帳下廚

廐之卒皆復其職使之不疑然後屯於鞠場以待裴度諸將請曰始公敗於朗山而不憂勝於吳房而不取冒大風甚雪而不止孤軍深入而不怯然卒以成功皆衆人所不諭也敢問其故愬曰朗山不利則賊輕我不為備矣取吳房則其衆奔蔡餅力固守故存之以分其兵風雪陰晦則烽火不接不知吾至孤軍深入則人皆致死戰自倍矣夫視遠者不顧近慮大者不計細若矜小勝恤小敗先自撓矣何暇立功乎衆皆服愬儉於奉已而豐於待士知**集覽**解胡買反賢不疑見可能斷此其所以成功也兵非出奇不勝太史公曰兵以正合以奇勝善之者出奇無窮魏武帝曰先出合戰為正後出為奇正者當敵奇兵擊其不備風后因黃帝兵法以乾坤艮巽四間地為天地風雷四正以水火金木四牌為龍虎鳥蛇四奇或以奇為正或以正為奇奇正還相生如環之無端不可終窮也唐李靖為十二將兵曰四奇曰八正以

步人為正馬軍為奇四奇取廩於大將八正取廩於
四奇奇常居前卒然遇敵則觸處為首因敵變化循
環無窮羈約注見
德宗建中四年
質實
朗山縣名按一統志本春秋
江國漢為安陽縣地屬汝南

郡東漢末置朗山縣晉改曰安昌梁屬陳州後魏移
縣治朗陵故城屬初安郡隋初復移縣治今所屬豫
州仍改為朗山縣唐屬蔡州宋改為確山縣金元因
之○國朝初省入汝陽後復置改屬汝寧府又縣西
北四十里有朗山後避宋諱改名樂山山頂有池名
皓月池中生四季蓮花可供遊賞擊柝注見陳武帝
永定二年申光二州中注見梁武帝太清
二年義陽光注見晉武帝太始二年弋陽

書法

襲未有書時者書夜襲何奇愬功也淮西之
功惟李愬多予辭是故文城柵降書擒淮西

將書入吳房外城書夜襲蔡州
擒吳元濟書賜爵涼國公書

以李鄘同平章事○裴度入蔡州

裴度建彰義節將降卒萬餘人入城李愬具橐鞬出迎拜於路左度特避之愬曰蔡人頑悖不識上下之分數十年矣願公因而示之使知朝廷之尊度乃受之愬還軍文城度以蔡卒為牙兵或諫曰蔡人反反者尚多不可不備度笑曰吾為彰義節度使元惡既擒蔡人則吾人也又何疑焉蔡人聞之感激泣先是吳氏父子阻兵禁人偶語然燭有以酒食相過從者罪死度除其禁蔡人始知有生民之樂詔准西百姓給復二年近賊四州免來年夏稅官軍戰亡者皆為收葬給其家范氏曰裴度伐叛柔服使百姓曉然知賊之為暴而唐之為仁故其後取淄青如反掌不惟乘勝用兵之易蓋人心先服故也豈非待物以誠之效歟

集覽

建彰義節彰義淮西藩鎮也凡大將出則賜節以顯殺具橐鞬出迎此軍禮也以示尊敬

左傳右屬橐鞬注杜預曰橐鞬也馬上曰鞬鞬建也
言弓矢並建立其中也記樂記曰武王克殷倒載干
戈包之虎皮將帥之士使為諸侯名之曰建橐鄭玄
曰包干戈以虎皮明能以武服兵也建讀為鞬字之
誤也兵甲之衣曰橐鞬言閉藏兵甲也橐音羔鞬
音巨展巨偃二反又史記樂書曰將率之士使為諸
侯名之曰建橐注王肅曰所以能橐弓矢而不用者
將率之士力也故建以為諸侯謂之建橐也今李愬
具橐鞬出迎質實反仄注見肅宗寶應二年偶語注
蓋取此義也見代宗大歷十年淄青軍名注同
上大歷
十四年

十一月上御門受俘斬吳元濟考異

上當作帝
斬當作誅

上御興安門受俘以吳元濟獻于廟社而斬之初淮
西之人劫於李希烈吳少誠之威虐不能自拔久而

老者衰幼者壯安於悖逆不復知有朝廷矣自少誠以來遣將出兵皆不束以法制聽各以便宜自戰人得盡其才故以三州之衆舉天下之兵環而攻之四年然後克之范氏曰人君之御天下其失之甚易其取之甚難以憲宗之明斷將相之忠賢竭天子之兵力以伐三州四年而後克其難如此則人君豈可不兢兢業業慎其質實受俘注見梁武帝大通元年

賜李愬爵涼國公韓弘等遷官有差質實

涼州名注見中宗景龍二

年

愬奏請判官大將以下官凡百五十員上不悅曰愬誠有奇功然奏請過多使如李晟渾瑊又何如哉遂留中不下

以宦者為館驛使

舊制御史二人知驛至是詔以宦者為館驛使左補闕裴璘諫曰內臣外事職分各殊切在塞侵官之源絕出位之漸事有不便必戒於
質實
裴璘聞初令或有妨不必在大上不聽喜入

書法

寵任宦閹憲宗之大病也於是淮蔡甫平帝之病復作矣故書識之據代宗大歷十四年

本用御史為使

以李祐為神武將軍○十二月賜裴度爵晉國公復入

知政事質實

晉州名注見漢獻帝建安七年河東

○貶董重質為春州司

戶質實

春州注見高祖武德五年

重質為吳元濟謀主屢破官軍上欲殺之李愬奏先許重質以不死乃貶之

戊戌十三年春正月李師道奉表納質并獻三州

初李師道謀逆命幕僚高沐郭昉李公度屢諫之判官李文會孔目官林英諧沐殺之昉亦被囚及淮西平師道憂懼公度說之使遣子入侍并獻沂海密三州以自贖師道從之上遣左散騎常侍李遜詣鄆州慰集覽昉呼古反質實沂密海三州沂注見陳宣帝太建五年北徐密注見漢武帝征和二

年諸邑海注見秦二世二年郟

二月修麟德殿浚龍首池起承暉殿

上命六軍修麟德殿龍武統軍張奉國大將軍李文悅以外寇初平營繕太多白宰相冀有論諫裴度言

之上怒敗奉國等於是後龍
首池起承暉殿土木浸興矣
質實麟德殿注見元和
池在西安府治東
北五里唐東內苑

書法

於是憲宗驕侈之心
始放矣故備書之

發明

甚矣驕侈之念未易克也元濟之誅纔閱數
月而土木之工已駸駸乎不可遏獨不思夫

盜殺宰相謀襲都城與夫縱兵四掠所在竊發出
於李師道王承宗等所為者尚爾通誅此正焦心
勞思講求致理之時豈宜高枕而肆宴安者哉等
而上之正使諸鎮臣服河隴克清四海寧謐在聖
人處此尤且兢兢業業圖惟克終況十僅一二者
乎書修麟德殿後龍首池則中興之駕已稅於此
矣易曰其亡其亡繫于苞
桑君子得不為憲宗惜之

李鄴罷為戶部尚書

初吐突承璀為淮南監軍鄴為節度使性剛嚴與承璀互相敬憚故未嘗相失承璀歸引鄴為相鄴恥由宦官進至京師辭疾不入見不視事固辭相位至是罷

書法

唐世宰相罷書為某官者予辭也鄴則曷為之鄴恥以宦官進稱疾不見固辭相位可謂過人遠矣是故張弘靖恥諫不行而去則罷書河東節度元和十一年李鄴恥由宦官進而去則罷書戶部尚書憲宗之世何多賢相也

以李夷簡同平章事○橫海節度使程權入朝

權自以世襲滄景與河朔三鎮無殊內不自安表請舉族入朝許之橫海將士樂自擅不聽權去掌書記

林蘊諭以禍福權乃得出
詔以蘊為禮部員外郎

集覽

橫海橫海藩鎮有質
州四曰滄景德棣

實

橫海節度注見晉穆帝永和六年滄
州河朔鎮名注見玄宗天寶十五載

夏四月王承宗納質請吏復獻二州詔復其官爵

裴度之在淮西也布衣柏耆以策干韓愈曰元濟就
擒承宗破膽矣願得奉丞相書往說之可不煩兵而
服愈白度為書遣之承宗懼求哀於田弘正請以二
子為質及獻德棣二州輸租稅請官吏弘正為之請
上許之弘正遣使送其二子知感知信及二州圖印
至京師幽州大將譚忠亦說劉總曰自元和以來劉
闢李錡田季安盧從史吳元濟阻兵馮險自以深根
固蒂天下莫能危也然顧盼之間身死家覆此非人
力所能及殆天誅也况今天子神聖威武苦身焦思
縮衣節食以養戰士此志豈須臾忘天下哉今國兵

駁駁北來趙人已獻城十二忠深為公憂之
集覽 阻兵

馮險

總注曰聞先生言吾心定矣遂專意歸朝廷
阻恃也馮讀曰憑依也國兵駁駁詩四牡篇駕彼四駮載駁駁駁注駁駁駮貌音楚金反字林音七林反

馬行
正誤 國兵駁駁今按駁有侵義謂漸進也

賜六軍辟仗使印

舊制以官官為六軍辟仗使如方鎮之監軍無印及張奉國等得罪至是始賜印得糾繩軍政事任專達矣
集覽 辟仗使官名
正誤 辟仗使今按六軍辟仗使也辟匹亦反
賞奏察遠謬辟如孟子行辟人之辟當音聞

書法

辟仗使何六軍之監軍也先是李說請為監軍鑄印許之不書此其書何病唐帝也曷為

病之病帝之拳拳於官官而思重其權也故以官
官為館驛使則書賜六軍辟仗使印則書書曰賜
印非請也
特書譏之

五月以李光顏為義成節度使

李師道暗弱軍府大事皆與妻及奴婢孔目官王再
升謀之其妻不欲遣子入質乃與二婢說師道曰先
司徒以來世有此土奈何無故割而獻之今若不獻
不過以兵相加力戰不勝獻未晚也師道乃悔欲殺
李公度幕僚賈直言謂其用事奴曰若殺公度軍府
危矣乃囚之會李遜至師道陳兵迎之遜盛氣正色
為陳禍福責其決語師道退與其黨謀之皆曰第許
之他日正煩一表解紛耳師道乃謝曰曷以父子之
私且迫於將士之情故遽延未遣今重煩朝使豈敢
復有二三遜察師道非實誠歸言於上曰師道頑惡

反覆恐必須用兵既而師道表言軍情不聽納質割
地上怒決意討之賈直言冒刃諫師道者二與觀諫
者一又畫縛載檻車妻子繫累者以獻師道也集覽冒刃
道囚之五月以光顏鎮滑州謀討師道也前漢
李陵傳冒白刃顏師古注冒莫北反犯也妻子繫累
繫累與係累通孟子係累其子弟注係累繫縛也累
力追質實賈直言河朔人道冲之子與觀注見後漢
反質實賈直言河朔人道冲之子與觀注見後漢
年主炎興元年滑州注見隋恭帝侗皇泰二

六月朔日食○秋七月以李勣為武寧節度使質實

武寧

節度注見泰始皇
二十八年彭城

○詔諸道發兵討李師道○李夷

簡罷為淮西節度使

上方委裴度以用兵夷簡自謂才不及度求出鎮故有是命胡氏曰李夷簡可謂君子矣無是已非人之心於逐楊憑取徐晦見集覽於逐楊憑取徐晦見之宜其自屈於裴度也集覽貶楊憑為臨賀慰取徐晦為監察御史事在四年七月言於此時可見其無是已非人之心

八月王涯罷○以皇甫鏞程异同平章事

淮西既平上浸驕侈判度支皇甫鏞鹽鐵使程异曉其意數進羨餘由是有寵又以厚賂結吐突承璀上遂以為宰相制下朝野駭愕至於市道負販者亦嗤之裴度崔羣極諫其不可上不聽度恥與小人同列求退不許乃上疏曰鏞异皆錢穀俗吏佞巧小人陛下一旦寘之相位中外駭笑况鏞在度支專以豐取刻與為務中外仰給之人無不思食其肉比者裁損淮西糧料錢至潰亂程异雖人品庸下然心事和平

可處繁劇不宜為相臣若不退天下謂臣無恥臣若
不言天下謂臣負恩今退既不許言又不聽臣如烈
火燒心衆竊叢體所可惜者淮西盪定河北底寧承
宗斂手削地韓弘與疾討賊豈朝廷之力能制其命
哉直以處置得宜能服其心耳陛下建平之業十
已八九何忍還自墮壞使四方解體乎上以度為朋
黨不之省錡自知不為衆論所與益為巧諂以自固
奏減內外官俸以助國用給事中崔植封還敕書極
論之乃止時內出積年繒帛付度支令賣錡悉以高
價買之以給邊軍其繒帛朽敗隨手破裂邊軍聚而
焚之度因奏事言之錡於上前引其足曰此靴亦內
庫所出臣以錢二千買之堅完可久服度言不可信
上以為然由是錡益無所憚程异亦自知不合衆心
能廬謹謙遜為相月餘不敢知印秉筆故終免於過
其後上語宰相曰人臣當力為善何乃好立朋黨度
對曰方以類聚物以羣分君子小人志趣同者勢必

相合君子為徒謂之同德小人為徒謂之朋黨外雖相似內實懸殊在聖主辨其所為邪正耳范氏曰人君賞一人而天下莫不勸罰一人而天下莫不懼豈其力足以勝億兆之衆哉處之中理而能服其心也苟能服其心則治天下如運之掌何征而不克何為而不成裴度可謂知言矣其所以啓告人主豈不得其要乎胡氏曰與君子而小人得間之者誠不至也誠之所以不至者邪汨之也易曰閑邪存其誠閑邪云者猶置水於器不可以火投之宿火於費不可以水及之也持心如此聲色貨利暴慢鄙僻無自而入則正靜虛明誠無不存及其久也純亦不已而天德全矣後之人君不知此道其初信用忠賢特以意氣相合資之興事造業既得所欲則心無常守而愛惡移焉惟迎合希意之小人乃膠固而不可解此憲宗所以斥忠賢為朋黨而不知其自陷於**集覽**時內出小人之黨也豈不為後世之大戒哉

時謂當時也內出謂於
內庫發出繒帛令貨賣
質實方以類聚物以羣分
易繫辭上一章文

冬十月五坊使楊朝汶伏誅

朝汶妄捕繫人責其息錢轉相誣引近千人中丞蕭
俛劾之裴度崔羣亦以為言上曰姑與卿論用兵事
此小事朕自處之度曰用兵事小所憂不過山東耳
五坊使暴橫恐亂輦轂上不悅退召朝汶責之曰以
汝故令吾羞見宰相
遂賜之死盡釋繫者

十一月以柳泌為台州刺史

上好神仙詔天下求方士宗正卿李道古因皇甫鍾
薦山人柳泌云能合長生藥泌言天台多靈草誠得
為彼長吏庶幾可求上以泌權知台州刺史諫官爭
論奏以為人主喜方士未有使之臨民者上曰煩一

州之力而能為人主致長生臣子亦何愛焉由是羣臣莫敢言胡氏曰憲宗信方士求長生其臣不能反復深切極論人生不可益天命不可移方士不可信之理而以自古未有方士臨民為言宜其不能開其君之惑也漢武喜方士妻之以女矣豈以古嘗有是而可為乎憲宗徒以強辯壓其羣臣而不稽其理曾未幾時金丹所作躁怒取禍豈非無窮之永鑒哉

集覽

柳泌姓名

質實

天台山名

注見睿宗景雲二年台州注見晉孝武太元二年臨海漢武喜方士妻之以女事在元鼎四年

吐蕃寇夏州○十二月田弘正將兵度河逼鄆州

先是田弘正請自黎陽度河討李師道裴度曰魏博軍既度河即當仰給度支或與光顏互相疑阻則必益致遷延與其度河而不進不若養威於河北宜且使之秣馬厲兵俟霜降水落自楊劉度河直指鄆州

則賊衆搖心矣上從之是月弘正將魏博全師自楊
劉度河距鄆州四十里築壘城中大震既而魏博義
成軍送所獲鄆州牙將夏侯澄等四十餘人上皆釋
弗誅各付行營驅使曰若有父母欲歸者優給遣之
朕所誅者師道而已於

集覽

楊劉城名也在鄆州之北劉或作留今東平府

是賊中聞

之降者相繼

東阿縣楊

質實

黎陽縣名注見漢成帝綏和三年魏郡秣馬

劉鎮是

注見漢光

武建武十二年鄆州注見肅宗

寶應元年

義成軍注見懿宗咸通十年

御批資治通鑑綱目卷四十八